

萬有文庫

第一集一千種

王雲五主編

閱藏知津

(三)

釋智旭編



商務印書館發行

萬有文庫

第一集一千種

總編者

王雲五

商務印書館發行

上海圖書館藏書




A541 212 0003 4398B

閱 藏 知 津

(三)

釋智旭編



國 學 基 本 叢 書

閱藏知津

卷第十一

大乘經藏 方等部第二之十已下密部

述曰。梵語陀羅尼。此云總持。亦云遮持。本通顯密二說。亦復徧於五時。但密壇儀軌。須有師承。設或輒自結印持明。便名盜法。招愆不小。今此道失傳久矣。典籍僅存。何容僭議。僅列經題。品目如左。

大佛頂如來密因修證了義諸菩薩萬行首楞嚴經十卷 羔

唐中天竺沙門般刺密帝譯。

阿難示墮摩登伽難。佛放頂光說呪。勅文殊將呪往護。提獎來歸。啓請大法。佛爲先開圓解。次示圓行。次明圓位。乃至精研七趣。詳辨陰魔。此宗教司南。性相總要。一代法門之精髓。成佛作祖之正印也。佛說一切如來真實攝大乘現證三昧大教王經三十卷。南作十九卷。北作十七卷。南如松。北盛川。

宋北印土沙門施護等譯。

金剛界大曼拏羅廣大儀軌分第一。大毗盧遮那如來在色究竟天王宮。與九十九俱胝大菩薩衆俱。爲坐菩提場。一切義成菩薩。示現受用身。告以觀察自心三摩地。是真實智忍。次說四大明。又以金剛

大灌頂法而爲灌頂。乃成正覺。詣須彌山頂金剛摩尼寶峰樓閣中。次第入諸三昧。出生金剛手。金剛鉤。金剛弓。金剛喜。金剛藏。金剛光。金剛喜。金剛喜。金剛眼。金剛慧。金剛場。金剛語。金剛尾溼嚙。金剛慈友。金剛暴怒。金剛拳等諸大菩薩。阿閼如來。寶生如來。觀自在王如來。不空成就如來。亦各說大明。出金剛像。大毗盧遮那如來。復入四三昧。出生四大明妃。四如來亦出四大明妃。大毗盧遮那如來。復入四三昧。出生金剛鉤。金剛索。金剛鎖。金剛鈴。四菩薩身。次以彈指相。普徧召集一切如來。以百八名勸請稱讚具德一切如來。增上主宰。自金剛薩埵無始無終。大持金剛者。持金剛者。聞勸請已。說金剛界大曼拏羅頌。次說弟子入壇法等。金剛祕密曼拏羅廣大儀軌分第二。金剛智法曼拏羅廣大儀軌分第三。金剛事業曼拏羅廣大儀軌分第四。現證三昧大儀軌分第五。降三世曼拏羅廣大儀軌分第六。謂降大自在天。那羅延天等。忿怒祕密印曼拏羅廣大儀軌分第七。金剛部法智三昧曼拏羅廣大儀軌分第八。金剛部羯磨曼拏羅廣大儀軌分第九。大金剛部廣大儀軌分第十。三世輪大曼拏羅廣大儀軌分第十一。一切金剛部金剛曼拏羅廣大儀軌分第十二。一切金剛部法三昧曼拏羅廣大儀軌分第十三。一切金剛部羯磨曼拏羅廣大儀軌分第十四。調伏一切世間大曼拏羅廣大儀軌分第十五。蓮華祕密印曼拏羅廣大儀軌分第十六。智曼拏羅廣大儀軌分第十七。大曼拏羅廣大儀軌分第十八。一切義成就大曼拏羅廣大儀軌分第十九。寶祕密印曼拏羅廣大儀軌分第二十。智曼拏羅廣大儀軌分第二十一。羯磨曼拏羅廣大儀軌分第二十二。一切如來眞實攝一切儀軌隨應方便廣大教理分第二十三。一切如來眞實攝諸部

儀軌祕密法用廣大教理分第二十四。一切如來真實攝一切儀軌最上祕密廣大教理分第二十五。一切如來真實攝一切儀軌勝上教理分第二十六。金剛手菩薩說法儀竟。以百八名稱讚勸請一切如來。於是一切如來。及金剛手。降三世。觀自在。虛空藏。金剛手。各說一頌。一切如來。及金剛手。皆從大毗盧遮那心入已。如理而住。爾時世尊從須彌山頂詣菩提場。執吉祥草。敷草而坐。乃至轉處諸天所獻微妙勝座。以百八名讚歎金剛手菩薩。譯師跋云。此經一部。梵本四千頌。譯成三十卷。總二十六分。自第一分至第五分終。並大乘現證三昧攝。第六分至第十四分終。並金剛三昧攝。第十五分至十八分終。並法三昧攝。第十九分至第二十二分終。並羯磨三昧攝。自下四分。並諸部祕密教理所攝起。

金剛頂一切如來真實攝大乘現證大教王經三卷。南之北流。

唐北天竺沙門大廣智不空譯。

即前經第一分也。

大乘金剛髻珠菩薩修行分經一卷。南退北殷。

唐南印度沙門菩提流志譯。

普思義菩薩請問云。何修行悟入此三摩地。佛爲說往昔金剛髻珠王。化生悉陀太子。於法界摩尼山。日光明王佛所。聞此法界繒髻與金剛如來心品三摩地已。經無量劫。常憶念之。未曾忘失。次明聞經之福。次答外道苦行所招惡果。檢校人錯用僧物所招惡果。不敬師長所招惡果。十惡所招惡果。不從

師受三摩耶法。自作法呪所招惡果。普思義以偈重宣其義。

大乘瑜伽金剛性海曼殊室利千臂千鉢大教王經十卷 有序有頌 容

唐北天竺沙門大廣智不空譯。

釋迦牟尼佛在摩醯首羅天王宮。與毗盧遮那如來。於金剛性海蓮花藏會。同說此經。有大聖曼殊室利菩薩現金色身。出千臂千手千鉢。鉢中現千釋迦。千釋迦復現千百億化釋迦。毗盧遮那告牟尼世尊等。吾從往昔修持金剛祕密菩提教法。大聖曼殊室利。是吾先師。一阿字觀。本寂無生義。是毗盧遮那如來。二囉字觀。本空離塵義。是阿闍如來。三跛字觀。本真無染著離垢義。是寶生如來。四左字觀。本淨妙行義。是觀自在王如來。五曩字觀。本空無自性義。是不空成就如來。曼殊室利有十種大願。釋迦從摩醯首羅天下。降祇園。入定放光。出定微笑。十六大菩薩曼殊室利等。問何因緣。佛爲說金剛三摩地。有十種甚深奇特法。命曼殊室利現大神通。爲師子勇猛說其將來成普見佛。說此經清淨實相爲宗。真如法界爲體。宗本有三。一法身金剛三摩地。二報身普賢願行力。三化現曼殊般若母。聖體有五。一本源金剛聖性。二大圓鏡智。三平等性智。四妙觀察智。五成所作智。說諸佛出現證修金剛菩提殊勝第二品。佛令曼殊室利與一切菩薩一切衆生作導首。曼殊說一切法。即是一切有情心。有情心煩惱種性。即是菩提性。即是本性真淨。即是四智菩提。次說十六大士修菩提觀。東普賢。不空王。摩羅。極喜王。南虛空藏。大威德光。寶幢摩尼。常喜悅。西觀自在王。曼殊室利。妙慧法輪。聖意無言。北毗首羯磨。難敵精進力。摧一切魔怨。金剛拳法界王。次明六大力士金剛助護佛法。一大

樂。二大笑。三一髻尊。四降三世。五四足尊。六閻曼德。十方大菩薩出助證悟聖力第三品。上方上意。下方持世。東方普明。東南不思議。南方廣意。西南無邊智。西方無邊音聲吼手。西北殊勝益意。北方無盡慧眼。東北方賢護。次明求證無上菩提。當修如來大慈心十種觀門。次令十大菩薩各自陳說所修觀門。演一切賢聖入法見道顯教修持第四品。普眼不見普賢菩薩。佛言。普賢三密境界。唯佛能知。譬如虛空不可得見。次問普賢。往昔如來是誰爲師。普賢答言。曼殊室利教化令發菩提。又五丈夫同曼殊願。即今五佛。次曼殊室利明三種重障不得遇此諸佛正法三摩地教。一者我慢貢高。二者妬賢嫉能。三者多貪懶惰昏掉破戒。次如來分別三時之教。一有二空。三不空不有。次明曼殊室利夏安居時。往去龍宮教化。自恣解夏。大迦葉擬欲擯之。曼殊室利現千臂千手千鉢。鉢中各現化千釋迦。令大迦葉觀見。於是一切聲聞。求哀悔過。盡皆迴向修習大乘。佛爲說大乘十重。所謂不壞毗尼。無過毗尼。最勝實性毗尼。眞如毗尼。不思議毗尼。性淨毗尼。法眼毗尼。三世平等毗尼。無染解脫清淨毗尼。究竟毗尼。祕密歸止觀照法性決擇心地第五品。合於道場內祕授心地法。不應於此經顯說。一切菩薩修學如來三摩地聖性潛通加被第六品。說身密口密意密各十支觀門。及說道場教授有四種義。不思議法界聖道如來眞如法藏自在聖智第七品。略說外凡內凡十聖等妙之相。及標十發趣。十長養。十金剛。十地等覺地。妙覺地名。與梵網經同。三賢菩薩入法位次第修行迴向菩提第八品。廣釋十發趣。十長養。十金剛。十地義。與梵網同而較詳。次於祇園說末劫濁亂之相應當迴心歸依三寶。訶斥外道六師。廣明三塗苦報。勅諸大衆禮敬曼殊。稱爲師首。

佛說一切如來金剛三業最上祕密大教王經七卷 息

宋北印土沙門施護譯。

一切如來金剛三業最上甚深祕密中祕密諸佛大集會安住一切如來三摩地大曼拏羅分第一
菩提心分第二。一切如來及五如來各說堅固住菩提心義。慈氏偈歎。金剛莊嚴三摩地分第三。
一切如來心曼拏羅分第四。一切明句行分第五。身語心加持分第六。祕密精妙行分第七。
甘露三昧分第八。最上清淨真實三昧分第九。觀察一切如來心分第十。一切如來真實三昧
最上持明大士分第十一。一切如來金剛相應三昧最上成就分第十二。金剛相應莊嚴三昧真
實觀想正智三摩地分第十三。身語心未曾有句召尾日林毗多王最勝三摩地分第十四。一切
心真實金剛出生三昧分第十五。一切曼拏羅成就金剛現證菩提分第十六。一切如來三昧法
金剛加持王分第十七。宣說一切祕密行金剛加持分第十八。

佛說最上根本大樂金剛不空三昧大教王經七卷。前有聖教序。南溫北澄。

宋中印土沙門法賢譯。

大三昧金剛真實理儀軌分第一。毗盧遮那佛在他化自在天宮說吽字心明及勅金剛手說曼拏羅
法。一切如來真實理金剛三昧儀軌分第二。說阿字心明及說曼拏羅法。降伏三界金剛三昧大
儀軌分第三。金剛手菩薩說吽字心明及說曼拏羅法。清淨諸煩惱三昧大儀軌分第四。觀自在菩薩
說訖哩字心明及說曼拏羅法。一切寶灌頂大三昧儀軌分第五。虛空藏菩薩說怛嚩字心明及

說曼拏羅法。一切拳印三昧大儀軌分第六。金剛拳菩薩說惡字心明。及說曼拏羅法。金剛字輪三昧大儀軌分第七。妙吉祥菩薩說阿字心明。及說曼拏羅法。一切曼拏羅金剛輪三昧大儀軌分第八。同心生轉法輪菩薩說吽字心明。及說曼拏羅法。衆金剛三昧大儀軌分第九。譏譏那嚩惹菩薩說唵字心明。及說曼拏羅法。金剛忿怒三昧大儀軌分第十。降諸魔金剛藥刹菩薩說赫字心明。及說曼拏羅法。一切樂三昧大儀軌分第十一。金剛手菩薩說吽字心明。及說曼拏羅法。外金剛部儀軌分第十二。外金剛部衆說訥哩字心明。摩怛哩衆說毗踰字心明。摩度迦羅衆說莎字心明。四賢聖說鑊字心明。及各說成就法。般若波羅密多教稱讚分第十三。一切如來雲集讚金剛手菩薩。金剛手菩薩最上祕密大曼拏羅儀軌分第十四。大樂金剛不空三昧大明印相成就儀軌分第十五。一切如來金剛菩提大儀軌分第十六。大金剛火炎日輪儀軌分第十七。除諸業障一切智金剛儀軌分第十八。圓滿一切願金剛寶儀軌分第十九。一切儀軌中最上成就儀軌分第二十。一切相應諸佛三昧曼拏羅儀軌分第二十一。一切如來大三昧曼拏羅儀軌分第二十二。一切相應儀軌分第二十三。最上成就印相分第二十四。最上祕密儀軌分第二十五。內多入理深談。不可不閱。

○大樂金剛不空真實三摩耶般若波羅密多理趣經七紙欠。南川北澄。唐北天竺沙門大廣智不空譯。

即前經從第一分至第十三分。但有心明。而無曼拏羅法。

◎金剛頂瑜伽理趣般若經九紙餘。南思北澄。

唐南天竺沙門金剛智依梵本於中天譯。

○實相般若波羅密經六紙餘。翔。

唐南印度沙門菩提流志等譯。

二經並與前同。而諸心明。皆佛自說。

佛說祕密相經上中下合卷。南聲北不。

宋北印土沙門施護譯。

世尊住一切如來三昧界中。金剛手菩薩請問要略修法。佛爲說之。

佛說金剛場莊嚴般若波羅密多教中一分八紙。此於大部支流別行。南斯北夙。

宋北印土沙門施護譯。

十方如來雲集勸請大毗盧遮那如來說根本無性般若波羅密門。妙吉祥亦現神通。化十六大菩薩。圍繞世尊勸請說法。佛遂爲說四念處。四正勤。四神足。五根。五力。七覺支。八正道。三三摩地。八解脫。九次第定。六念。十分位。十自在。十波羅密多。十地。四梵行。十力。四無所畏。四無礙辯。十八不共法。一切入法。空性平等般若波羅密多教。及說諸大明句。

佛說幻化網大瑜伽教十忿怒明王大明觀想儀軌經一卷。南履北思。

宋中印土沙門法賢譯。

佛在淨光天放大光明金剛手菩薩請說

佛說大慈空智金剛大教王儀軌經五卷今作三卷 思

宋中印土沙門法護譯

- 金剛部序品第一大幻化普通儀軌三十一分中略出二無我法 拏吉尼熾盛威儀真言品第二
一切如來身語心聖賢品第三 賢聖灌頂部品第四 大真實品第五 行品第六 說密印品第
七 大相應輪品第八 清淨品第九 灌頂品第十 金剛藏菩薩現證儀軌王品第十一 熾盛
拏吉尼所說成就品第十二 說方便品第十三 集一切儀軌部品第十四 金剛王出現品第十
五 金剛空智熾盛拏吉尼畫像儀式品第十六 飲食品第十七 教授品第十八 持念品第十
九 俱生義品第二十

一切如來大祕密王未曾有最上微妙大曼拏經五卷今作三卷 南命北川

宋中印土沙門天息災譯

- 相應行曼拏羅儀則品第一 佛在忉利天善法堂入於三昧放三處光金剛手菩薩請問密法 灌頂
品第二 阿闍梨品第三 護摩法品第四 先法攝受弟子品第五 鈴杵相分出生儀則品第六
造塔功德品第七

大毗盧遮那成佛神變加持經七卷 南讚北賢

唐中印度沙門輸波迦羅共一行譯

闍藏知津 三方等密部

入真言門住心品第一。祕密主開得一切智方便。佛言。菩提心爲因。悲爲根本。方便爲究竟。及廣釋其義。入漫荼羅具緣真言品第二。息障品第三。普通真言藏品第四。一切菩薩各說真言。世間成就品第五。悉地出現品第六。成就悉地品第七。轉字輪漫荼羅行品第八。密印品第九。字輪品第十。祕密漫荼羅品第十一。入祕密漫荼羅法品第十二。入祕密漫荼羅位品第十三。祕密八印品第十四。持明禁戒品第十五。阿闍梨真實智品第十六。布字品第十七。受方便學處品第十八。明十善戒法。說百字生品第十九。百字果相應品第二十。百字位成品第二十一。百字成就持誦品第二十二。百字真言法品第二十三。說菩提性品第二十四。三三昧耶品第二十五。說如來品第二十六。世出世護摩法品第二十七。說本尊三昧品第二十八。說無相三昧品第二十九。世出世持誦品第三十。囑累品第三十一。右六卷畢。供養念誦三昧耶法門真言行學處品第一。增益守護清淨行品第二。供養儀式品第三。持誦法則品第四。真言事業品第五。右第七卷。

佛說無二平等最上瑜伽大教王經六卷 南斯北淵

宋北印土沙門施護譯

無二平等最勝大儀軌王影像分第一。佛在他化自在天宮。十方諸佛雲集。不見金剛手菩薩。佛同說偈。菩薩現身。諸佛皆向作禮。勸請說法。菩薩乃說法要。於是普賢菩薩雨一切供養。供金剛手菩薩。一切如來復雨一切供養。供普賢菩薩。普賢即現佛身。說三摩地法門。智部三摩地分第二。真實攝

部三摩地分第三 法部三摩地分第四 迦摩部三摩地分第五 三昧最上智一切成就分第六
一切佛甚深祕密供養分第七 一切如來智證最上祕密分第八 金剛薩埵一切祕密三昧分
第九 一切三昧成就禪定曼拏羅分第十 大禪定分第十一 出生大禪定分第十二 勝大明
教最初事業分第十三 辦事分第十四 大徧照如來一切大明金剛出生分第十五 一切大明
三昧分第十六 一切如來一切大明遣魔分第十七 一切如來祕密金剛薩埵承事分第十八
一切如來大明如意寶分第十九 集一切大明三摩地分第二十 一切如來身語心清淨自性金
剛大智分第二十一

佛說瑜伽大教王經五卷 南與北流。

宋中印土沙門法賢譯。

序品第一。大徧照金剛如來在淨光天大樓閣中。與阿閼等四佛及菩薩賢聖天龍八部圍繞。世尊顧
視金剛手菩薩。放光普照。還入佛身。金剛手菩薩請問因緣。世尊入大智變化瑜伽大教王三摩地。從
三摩地出已。說瑜伽大教王經。曼拏羅品第二 真言品第三 三摩地品第四 真言大智變化
品第五 印相大供養儀品第六 觀想菩提心大智品第七 相應方便成就品第八 護摩品第
九 囑索品第十

金剛峰樓閣一切瑜伽瑜祇經二卷 南澄北取。

唐南天竺沙門金剛智譯。

序品第一。金剛界徧照如來。於金剛光明心殿中。與十六大菩薩等。各說一字真言。一切如來金剛最勝王。義利堅固。染愛王。心品第二。攝一切如來大阿闍黎位品第三。金剛薩埵。寶地心品第四。愛染王品第五。一切佛頂。最上徧照王。勝義難摧。摧邪一切處。瑜伽四行。攝法品第六。一切如來大勝金剛心。瑜伽成就品第七。一切如來大勝金剛頂。最勝真實大三昧耶品第八。金剛吉祥大成就品第九。一切如來內護摩金剛軌儀品第十。金剛薩埵。菩提心內作業。灌頂。悉地品第十一。大金剛。餓口降伏一切魔怨品第十二。

一字佛頂輪王經六卷 一名五佛頂經 南詩北克

唐南印度沙門菩提流志譯。

序品第一。佛在菩提樹下。與大苾芻。大菩薩。天仙神鬼等俱。金剛密迹主菩薩。請佛說呪。佛入大三摩地。放大光明。徧照十方佛刹。及諸五趣三界。現大轉輪王相。說一字佛頂輪王呪已。大千震動。魔宮火起。地獄苦息。觀世音金剛主。二大菩薩。闍絕躡地。佛復說一切佛眼大明母呪。觀世音金剛主。即醒起身。次說白傘蓋頂輪王呪。次說光聚頂輪王呪。次說高頂輪王呪。次說勝頂輪王呪。畫像法品第二。分別成就法品第三。分別密儀品第四。分別祕相品第五。成像法品第六。印成就品第七。共說五十四印呪。大法壇品第八。供養成就品第九。世成就品第十。護法品第十一。說大難勝。奮怒王呪。又說難勝。奮怒王心呪。證學法品第十二。護摩壇品第十三。

○菩提場所說一字頂輪王經五卷 南流北不。

唐北天竺沙門大廣智不空譯。

與上經同。

一字奇特佛頂經三卷。南川北不。

唐北天竺沙門大廣智不空譯。

現威德品第一。佛住三十三天。與四萬比丘。八萬四千菩薩。及天釋梵魔八部衆俱。說真言曰。南莫三漫多勃馱南引一。步林吽二合二。印契品第二。曼荼羅儀軌品第三。先行品第四。成就頻那夜迦品第五。說法品第六。金剛手菩薩之弟名寂靜慧。以偈讚佛。并問幾法成就。佛以偈答。調伏一切障類那夜迦天王品第七。最勝成就品第八。菩薩藏品第九。後附一字頂輪王念誦儀軌。依切利天宮所說經譯。

妙吉祥平等祕密最上觀門大教王經五卷。北作四卷。取

宋中印土沙門慈賢譯。

世尊在舍衛國。彌勒菩薩等。請問三乘妙法門外。更有法否。佛言。有摩訶三昧耶祕密內法。修者速得成佛。於是入金剛定。放眉間五色光。青光化阿閼佛。白光化毗盧遮那佛。黃光化寶生佛。紅光化無量壽佛。綠光化不空成就佛。復化佛。天法智禪。五眼菩薩。復化眼耳鼻舌身心智慧。八金剛藏菩薩。復有十二供養菩薩。燈。聲。香。甘露。衣。幢。舞。塗香。散華。貫花。寶蓋。善哉。復化鈎索鎖。鈴。四金剛菩薩。復化十大明王。大慈。大悲。大喜。大捨。大愛。大威怒。大力。無動。降三世頂輪。次說求授灌

頂加持五瓶。四寶末。五河水。五香末。五穀。五種子。五藏物。五色綵。五菩提葉。五時華。五吉祥草。五色線。五傘蓋。生飯三分法。次說曼拏羅觀想印呪等法。次爲金剛手菩薩說將來建壇場法。次爲無盡意菩薩復說功德無盡等眞言。

卷第十二

大乘經藏 方等部第二之十一

佛頂放無垢光明入普門觀察一切如來心陀羅尼經上下合卷 南方北忠

宋北印土沙門施護譯

佛在觀史天宮。說六波羅密法。有忉利摩尼藏無垢天子。被炬口天藥叉所警。謂七日後必定無常。惶怖求救於帝釋。帝釋領彼見佛。佛爲說二呪。并說夙緣。亦說壇法。又說持此呪者。此界命盡。猶如蛇蛻。即便往生安樂世界。不受胞胎。於蓮花中自然化生。

佛說守護大千國土經三卷 力

宋北印土沙門施護譯

佛住鷲峰山南時。毗耶離城災難競起。乃以神力。集一切天龍等衆。先四天王各說一呪。次佛說一切明神呪。諸惡鬼神同來歸命。四天王復各說謫罰鬼神呪。大梵王亦說一謫罰鬼神呪。佛乃下至毗耶

離城。爲大梵王現大明王身。說大明王陀羅尼。復說大明王心陀羅尼。及說密印。於是城中免離災難。飛鳥出聲讚佛功德。佛更說結界持呪之法。大梵王又說護諸童子之法。

佛說出生一切如來法眼徧照大力明王經上下全卷。南竭北流。

宋中印土沙門法護譯。

世尊在摩訶母質鄰那山大寶樓閣中。說一呪。又說一呪。魔王恐怖。欲興惱害。金剛手現身降之。復說一呪。又說無量勇猛力真言。次說壇法。次魔王歸命。次須菩提問受持法。佛又說一呪。次文殊師利問緣行無常之義。次觀世音及祕密主各問此經名義。

廣大寶樓閣善住祕密陀羅尼經三卷。今作二卷。南讀北念。

唐南印度沙門菩提流志譯。

序品第一。佛初成道。華說神呪。祕密主歡喜請問呪所從來。佛與大衆同往東方寶燈世界。妙種種色寶善住清淨佛處。普集一切諸佛。現寶塔中三佛全身舍利。及說其往昔因緣。乃說大明呪王。根本陀羅尼品第二。心隨心呪品第三。持心呪法品第四。誦隨心呪法品第五。雜呪品第六。結壇場法品第七。手印呪品第八。畫像品第九。火祭品第十。普光心印品第十一。手印品第十二。

牟黎曼陀羅呪經二卷。南羊北念。

開元附梁錄第一出。

閱藏知津 三 方等密部

◎大寶廣博樓閣善住祕密陀羅尼經三卷。南不北息。

唐北天竺沙門大廣智不空譯。

二經並與上同。而梁錄前欠序分。後具有分別木法壇法等。

普徧光明燄鬘清淨熾盛如意寶印心無能勝大明王大隨求陀羅尼經二卷。南思北取。

唐北天竺沙門大廣智不空譯。

序品第一。佛住須彌峰樓閣。與八十四俱胝那庾多。一生補處菩薩。及聲聞天龍八部衆等俱。放頂毫光。照明十方一切佛刹。說大神呪。并說種種靈驗之事。得菩薩隨求大護大明王陀羅尼品。佛復爲大梵說呪。

◎佛說隨求即得大自在陀羅尼神呪經十四紙。行

唐迦濕蜜羅國沙門寶思惟譯。

大梵天王請佛說呪。佛爲說根本呪一。隨呪六。及說功驗。并說書寫結壇法。彙門云。即上經同本。

佛說佛頂尊勝陀羅尼經一卷。南改北莫。

唐大薦福寺沙門釋義淨譯。

佛在給孤獨園。善住天子七日當命終。當七受傍生身。次墮地獄。怖懼。白天帝釋。帝釋爲其請救於佛。佛說陀羅尼令持。增益壽命。得菩提記。

唐朝散郎杜行顛譯。

佛頂最勝陀羅尼經有彥悛序。共六紙半。南得。北莫。

唐中印度沙門地婆訶羅譯。

佛頂尊勝陀羅尼經有志靜序。共八紙半。南得。北莫。此呪最後別翻。

唐屬賓國沙門佛陀波利譯。

◎最勝佛頂陀羅尼淨除業障經一卷。南改。北莫。

唐中印度沙門地婆訶羅重譯。

四經並與前同。而地婆重譯。具出善住天子夙世因緣。

大方等陀羅尼經四卷。信。

北涼高昌郡沙門釋法衆譯。

初分第一。佛在祇林。爲文殊師利唱摩訶袒持等諸陀羅尼名。大衆獲益。雷音比丘在林中入定。祖茶羅魔王擾之。東方寶王如來。遣華聚菩薩將呪來護。魔皆發心護法。說十二神王名。華聚菩薩。雷音比丘。與一切魔。一切天。及婆藪仙人。地獄衆生。同來釋迦佛所。佛爲舍利弗說婆藪名義。及示現方便之事。亦說往昔本緣。今魔方便。授記分第二。授雷音比丘記。及五百大弟子記。并諸天記。舍利弗與文殊師利。反覆論授記義。佛爲五百比丘說治魔法。夢行分第三。爲文殊師利說十二夢王七日行法。華聚菩薩發大誓願。毗沙門天王亦發大願。護戒分第四。說七衆滅破戒罪。各有呪。不思議蓮華。

分第五。現優曇鉢羅華。華中有無量佛。舍利弗以神通。遶至八十七日。百千萬分。不周其一。佛從座起。以華奉供。蓮華中佛。說一神呪。囑授八十萬恆河沙大士。華尋不見。大衆生疑。佛爲解釋。并說諸喻。付囑流通。

按此經在法華後說。亦可收入法華部中。但以壇法尊重。故歸密部。南岳大師行此三昧而證圓位。今有方等三昧行法垂世。

佛說大方等大雲請雨經一卷。南傷北毀。

隋北天竺沙門闍那崛多等譯。

佛在龍宮。龍興供養。并發大願。請問滅苦法要。佛說慈心爲最。并爲說呪。及如來名。說請雨法。

大雲請雨經一卷。毀。

宇文周中天竺沙門闍那耶舍等譯。

大雲輪請雨經二卷。北作一卷。南傷北毀。

隋烏菴國沙門那連提黎耶舍譯。

○大雲輪請雨經二卷。北作一卷。南不北清。

唐北天竺沙門大廣智不空譯。

已上三經。並與前同。

佛說一切如來烏瑟膩沙最勝總持經七紙餘。南履北臨。

宋中印土沙門法天譯。

無量壽佛於極樂國爲觀自在菩薩說呪。及說成就法。能令衆生生於極樂世界。

佛說大白傘蓋總持陀羅尼經一卷。南若北之。

元天竺沙門唧唎銘得哩連得囉磨寧及眞智等譯。

出有壞住三十三天。與大比丘并大菩提勇識及天皇帝釋等集。入普觀頂髻三昧。從頂髻中出現如是總持密呪法行。後有讚歎禱祝偈。

佛說最勝妙吉祥根本智最上祕密一切名義三摩地分上下合卷。南竟北薰。

宋北印土沙門施護譯。

金剛手菩薩爲愚衆生類。請問諸祕密名義。佛爲說之。及略說修行方法。

佛說徧照般若波羅密經七紙欠。南深北命。

宋北印土沙門施護譯。

佛在他化自在天。爲金剛手菩薩說諸字義門。并說神呪。

佛說佛母般若波羅密多大明觀想儀軌經三紙半。南斯北澄。

宋北印土沙門施護譯。

具明想諸字安布身輪。

仁王般若念誦法五紙餘。南竟北薰。

唐北天竺沙門大廣智不空譯。

佛爲波斯匿王說念誦仁王般若經持明之法。

佛說普賢曼拏羅經一卷。南臨北盡。

宋北印土沙門施護譯。

佛在鷲峰說修金剛薩埵祕密相應法有種種觀想。

佛說一切如來安像三昧儀軌經六紙餘。南取北止。

宋北印土沙門施護譯。

世尊入一切如來金剛安像三昧。從三昧起說塑畫雕造安像慶讚儀軌。有一菩薩白言。佛身無相。猶若虛空。徧一切處。云何今說令安佛像。佛言。我爲久修行者說彼法身無相無爲徧一切處不生不滅。今爲初發心衆生。令彼得福。說安像慶讚結淨之法。先揀吉星吉日。於結界勝地清淨之處。陳設傘蓋。幢幡香華燈果。令阿闍梨依法儀軌。一心召請觀想沐浴安耳髮髻指甲髭鬚等。乃至香花燈食等種種供養。並須如法。

無量壽如來修觀行供養儀軌一卷。南竟北莫。

唐北天竺沙門大廣智不空譯。

金剛手菩薩在毗盧遮那佛大集會中。爲當來衆生說無量壽如來陀羅尼修三密門證念佛三昧。得生淨土入菩薩位。

佛說帝釋巖祕密成就儀軌四紙欠。南竟北杜。

宋北印土沙門施護譯。

佛告金剛手。說帝釋巖中得見慈氏菩薩之法。

底哩三昧耶不動尊威怒王使者念誦法一卷。南流北言。

唐北天竺沙門大廣智不空譯。

佛爲執金剛說念誦悉底哩真言成就事業法。

佛說大灌頂神呪經十二卷。北作六卷。恭

東晉西域沙門帛尸梨蜜多羅譯。

灌頂三歸五戒帶佩護身呪經第一。佛在祇園。爲鹿頭梵志說三歸三十六神。五戒二十五神。

灌頂七萬二千神王護比丘呪經第二。佛在天帝石室。因諸比丘馳走不安。爲說百七十二大鬼神王名字。

灌頂十二萬神王護比丘尼呪經第三。佛在祇園。爲脩陀利比丘尼等被惡鬼燒。召須彌頂上七萬鬼神。大海中五萬鬼神護之。

灌頂百結神王護身呪經第四。佛在羅閱祇大精舍中。思爲滅後弟子辟除邪毒。帝釋遂請佛說百神王名。

灌頂宮宅神王守鎮左右呪經第五。佛在摩竭國。勅目連以呪往救迦羅那村災難。佛亦隨請。將諸大

衆集其堂上。普觀菩薩請佛更演目連所說章句。佛爲說東方七千大神上首三七名。南方九千大神上首二十八名。西方六千大神上首三七名。北方九千大神上首三七名。中央三萬大神上首十二名。灌頂塚墓因緣四方神呪經第六。佛臨欲滅。阿難請問云。何殯葬。佛告以應如轉輪聖王法則。阿難又問。閻浮提界有幾葬法。佛言有震旦國。我遣三聖在中化導。人民慈哀禮義具足。葬法第一。阿難又問。若人命終。造立墳塔。是人精魂在中以不。佛言亦在亦不在。若人生時無善無惡。精魂未有去處。是在塚塔中。若生時大修福。或生天上人中。若生時造惡。墮在三塗。是以不在塚塔中也。并廣說舍利福德因緣。雖如麻米。有大威神。兼記常有阿育王起八萬四千塔事。次因釋種童子被鬼神所燒。結四方灌頂章句以護塚塔。

灌頂伏魔封印大神呪經第七。佛在祇園。默然無說。念衆生愚。天帝請問文頭婁法。佛言。當先念自身。猶如佛身相好光明。次念千二百五十弟子。次念諸菩薩僧。又念五方大神。以五方神王名字。及其眷屬。寫著圓木之上。縱廣七七分。名爲文頭婁法。此云神印。次許天帝演說四王名字。次說七佛灌頂無相神印章句。次因阿利陀請勅諸弟子惠施少少飲食之餘。又行此神典。當造其形像。以酥油麩果而施與之。

灌頂摩尼羅亶大神呪經第八。佛在祇園。愍念人民爲邪惡鬼神所惱。結是摩尼羅亶大神呪經。舉七佛名爲證。又舉八大菩薩五百開士十大弟子三十三天三十五龍王三十三大神將二十四鬼師。并說山海精魅四十九鬼四十九山精。及諸魅鬼名。若急難之日。當齋戒一心思念十方一切諸佛。過去

七佛。八大菩薩。十大弟子。五百開士。三十三天。諸大龍王。善神將軍。及鬼神等。正心正意。莫念東西南北之事。亦復莫念家室之事。

灌頂召五方龍王。攝疫毒神呪經第九。佛遊竹林。阿難爲維耶離國疾疫。求佛救護。佛言。疫毒火殃。皆是殺獵所感。普慈一切。受持禁戒。行於十善。可得至道。遂說五方龍神王名。遣禪提比丘往救人民。二十九年之後。禪提命終。疫病復興。人民奔趣禪提精舍。見彼先時所嚼楊枝。擲地成樹。樹下有泉。禮拜此樹。折此樹枝。取下水。拂灑病人。百病除愈。

灌頂梵天神策經第十。佛在因沙崛山中。梵王請出梵結願一百偈頌。以爲神策。佛讚許之。遂說九十九卦。每卦八句。神應異常。今特錄出流通。

灌頂隨願往生十方淨土經第十一。亦名普廣菩薩所問品。佛將涅槃。普廣菩薩問。四輩弟子。修何功德。得生十方國土。佛爲說十方佛國。隨願往生。普廣又問。何故經中讚歎阿彌陀刹。佛言。娑婆世界。人多貪濁。信向者少。習邪者多。不信正法。不能專一心亂無志。令諸衆生。專心有在。是故讚歎彼國土耳。次明爲亡者修福。如餉遠人。無不獲果。又明臨終歸依受戒。悔過修善。如人負債。依附王者。又明爲亡人修福。亡者七分獲一。若以亡者之物。施於三寶。功德力強。可得拔地獄殃。又明逆修生七。其福無量。又明請十方僧。不擇善惡。持戒毀戒。高下之行。次第供養。無別異想。其福最多。又爲大衆說那舍長者父母罪福因緣。又說諸佛無上章句。

灌頂章句。拔除過罪生死得度經第十二。佛遊維耶離樂音樹下。文殊師利請問往昔諸佛名字。及國

土清淨莊嚴之事。佛告以藥師瓔珞光如來十二上願。其國猶如無量壽國。有二菩薩。一名日曜。二名月淨。次補佛處。乃至願生西方彌陀國者。聞是佛名。有八菩薩。迎令往生。此與流通藥師本願經同本。具出八菩薩名。

守護國界主陀羅尼經十卷。南止北闕。

唐罽賓國沙門般若譯。

序品第一。佛在菩提樹下。與七千比丘。八萬四千菩薩。無量天龍八部衆俱。文殊師利菩薩伽陀讚佛。陀羅尼品第二。佛入普隨順衆生心行三昧。令諸衆生見聞各別。又於頂上放白色光。普照世間。口中放青色光。照東方界。右肩放金色光。照南方界。背上放紅色光。照西方界。左肩放五色光。照北方界。照已。各攝還歸本處。復入無有名字不可思議諸佛境界三昧。令此大地六種震動。一切法自在。王菩薩請問因緣。佛以有四因緣答之。復問諸佛境界三昧。何法爲因。何爲根本。云何修習。云何究竟。佛言。此深三昧。以菩提心爲因。大慈悲爲根本。方便修習。無上菩提。以爲究竟。又問。一切智體。當何所求。一切智智。當於何生。佛言。當於心求。從心而生。乃至此心同虛空相。此虛空性。即心性故。如其心性。即菩提性。如菩提性。即陀羅尼性。是故此心虛空。菩提。陀羅尼性。無二無二分。無別無斷。又問。是義甚深。難通達。難趣入。若滿足菩薩位人。則得利益。若未得成菩薩功德。則無利益。佛言。若欲成就。無上菩提。應先發起大慈悲心。普爲衆生歸依三寶。受苦薩戒。至誠懺悔。連想供養。勸請諸佛。迴向隨喜。願滅諸障。并說迴向陀羅尼曰。唵。一娑麼。二合囉。娑麼。二合囉。二微麼。引曩。三娑。引囉。四摩訶。所迴羅。二合引。五

囑上六叫長聲。七佛又普告大衆。重爲未成就者。以善方便。隨順世諦。譬喻言辭。說一乘法。觀想此身。次第成就。五如來身。而此不可思議三昧。或有衆生。諸根不具。或具五無間業。旃陀羅。悉可修習。趣入除五種人。一者不信。二者斷見。三者常見。四者邪見。五者懷疑。如是五人。無慈悲故。若有暫修此三昧者。身心安輕。能生五種三昧。一刹那三昧。二微塵三昧。三漸現三昧。四起伏三昧。五安住三昧。乃至無數三昧。無數陀羅尼門。皆悉現前。次明八陀羅尼。能令菩薩總持佛法。辯才無盡。衆生樂聞。一大聲清淨自在陀羅尼門。二無盡寶篋陀羅尼門。三無邊漩瀆陀羅尼門。四海印陀羅尼門。略說四十二字印。五蓮華莊嚴陀羅尼門。六能入無著陀羅尼門。七漸漸深入。四無礙智陀羅尼門。八一切諸佛護持莊嚴陀羅尼門。大悲胎藏出生品第三。文殊師利問。大悲復以何法爲根本。佛言。以衆生受苦爲本。苦以煩惱爲本。煩惱以顛倒邪見爲本。邪見以虛妄分別爲本。虛妄分別。非有根本。無有色相。難知難斷。菩薩爲是起大悲心。勞謙忘倦。復起十六大悲之心。一斷身見。二破邊見。三除四倒。四除我所計。五裂蓋網。六破六著。七除七慢。八遠邪徑。九離貪愛。十除瞋恨。十一令捨惡友。近善知識。十二令斷名利。十三令除邪見。十四令出三界生死牢獄。十五令絕魔羈欲纏。十六令閉三惡。入涅槃門。住是十六大悲。即能建立三十二種不共事業。入如來大悲不思議品第四。爲文殊說如來大悲海門一滴之相。乃至二乘之悲。如割皮膚。菩薩悲心。如割脂肉。如來大悲。深徹骨髓。因舉往古梅檀舍佛。爲調伏非非想天一衆生故。留身八萬四千大劫。以度脫之。方入涅槃。入如來不思議甚深事業品第五。廣明三十二種正覺甚深事業。即十力。四無所畏。十八不共法也。菩薩瓔珞莊嚴品第六。爲文殊師利說菩

薩四種瓔珞。一戒。二定。三慧。四陀羅尼。各各增一至十。大光普照莊嚴品第七。又說八種大光普照。一念。二意。三解。四法。五智。六諦。七神通。八修行。前七各有八種。修行有九種。般若根本事業莊嚴品第八。爲般若峰菩薩。廣說般若母及般若所生事業。爲無畏辯才菩薩。說般若峰得名往因。陀羅尼功德軌儀品第九。爲金剛手菩薩。說唵字三和合義。謂婀烏莽。金剛手問。諸佛等視衆生。云何但言守護國主。佛言。譬如醫嬰孩病。令母服藥。次說金剛城大曼荼羅軌儀法則。金剛手次說陀羅尼供養及念誦法。佛讚助之。兼明陀羅尼具足六度。又明六年苦行不得菩提。於月輪中作唵字觀。乃成菩提。阿闍世王受記品第十。王問。陀羅尼及曼荼羅。既有無量功德。何以國中災難無量。佛出其過。兼說迦葉佛時。訖哩枳王所得二夢。皆釋迦佛末法時兆。王又問曰。諸惡衆生。入三塗等。云何得知。誰人曾見。佛言。當墮地獄。有十五相。當生餓鬼。有八種相。當生畜生。有五種相。當生人天。各有十相。王竊思念。是實是虛。忽見地獄種種惡相。方乃決定歸佛法僧。誓持五戒。以菩提心。迴向衆生。佛讚慰言。譬如團鐵。投水沈沒。若爲鉢器。置水則浮。有智慧人。如彼鉢器。不沈苦海。如來囑累品第十一。文殊師利廣歎陀羅尼門。佛爲較量持經功德。唱募流通。七十俱胝菩薩。四天王。釋提桓因。大梵天王。兜率陀天子。商主天子。魔王波旬。蘇夜魔王。慈氏菩薩。大迦葉波。各各發願。佛讚印之。文殊師利請問經名。佛言具千名字。略舉十名。文殊復問。乃決定說今一名。

按此經所談法相義理。與大集經第二陀羅尼自在王菩薩品全同。但次第稍異耳。文理兼暢。最宜流通。

七佛所說神呪經四卷。一名廣濟衆生神呪。南景北半。

開元附東晉錄。

七佛各說呪。菩薩各說呪。諸天仙星等各說呪。菩薩各說誓願。各說偈。金剛藏菩薩說五疑。五信。二十五王三昧。護戒歸神。護伽藍十八神。并四天王所說大神呪經。

一切如來正法祕密篋印心陀羅尼經八紙。南力北忠。

宋北印土沙門施護譯。

佛在摩竭提國。應無垢妙光婆羅門請。中路見一舊塔。旋遶供養。悲泣雨淚。十方諸佛亦皆雨淚。金剛手菩薩請問其故。佛乃說此心呪。勸人造塔供養。

◎一切如來心祕密全身舍利寶篋印陀羅尼經五紙半。南流北興。

唐北天竺沙門大廣智不空譯。

佛說聖曜母陀羅尼經三紙半。南臨北則。

宋中印土沙門法天譯。

佛在阿拏迦囉帝大城。金剛手菩薩啓請說呪。擁護衆生。不爲諸惡星宿所害。

聖無能勝金剛火陀羅尼經三紙半。南命北則。

宋中印土沙門法天譯。

佛在妙高山。勅金剛手菩薩說呪。安慰天龍夜叉等。

佛說大金剛香陀羅尼經三紙。南薄北臨。

宋北印土沙門施護譯。

但有一呪。降伏諸天宿曜。無餘儀軌。

佛說智光滅一切業障陀羅尼經三紙。南命北則。

宋北印土沙門施護譯。

佛在日月天子宮。說佛菩薩名。及呪。普賢菩薩言。二十一日六時持誦。至心懺悔。能破壞阿毗地獄。復說一呪以擁護之。

○佛說智炬陀羅尼經三紙。欠行。

唐于闐國沙門揭雲般若等譯。

佛在日月宮中。四方佛皆來集。日月天子請陀羅尼。諸佛菩薩同聲說呪。普賢菩薩讚勸受持。與上經同。

諸佛集會陀羅尼經三紙餘行。

唐于闐國沙門提雲般若等譯。

佛在恆伽河邊。爲衆生除死怖。彈指集十方佛。同聲說呪。金剛密跡。及四天王。亦各說呪。次說壇法。

○佛說一切如來金剛壽命陀羅尼經二紙。南流北輿。

唐南天竺沙門金剛智與智藏譯。

與上經同。而無壇法。

○息除中天陀羅尼經二紙餘。南力北忠。

宋北印土沙門施護譯。

亦同上經。

十二佛名神呪較量功德除障滅罪經五紙餘。南必北能。

唐北天竺沙門闍那崛多譯。

佛爲彌勒說東方三佛。餘九方各一佛名。及陀羅尼。

佛說稱讚如來功德神呪經二紙餘。南必北能。

唐大薦福寺沙門釋義淨譯。

與上經同。而文稍略。

東方最勝燈王如來助護持世間神呪經十一紙半。南莫北罔。

隋北天竺沙門闍那崛多譯。

佛在祇園。東方最勝燈王如來。遣二菩薩來此說呪。次阿逸多菩薩。文殊釋迦菩薩。及四天王。亦各說呪。

佛說持句神呪經二紙餘。亦云陀羅尼句經。南莫北罔。

吳月支國優婆塞支謙譯。

佛說陀鄰尼鉢經二紙。南莫北周。

東晉西域沙門竺曇無蘭譯。

○聖最上燈明如來陀羅尼經六紙。忠

宋北印土沙門施護譯。

三經並與前同。

卷第十三

大乘經藏 方等部第二之十二

佛說華積樓閣陀羅尼經三紙。宋北印土沙門施護譯。南臨北命。

佛在阿耨達龍王宮。師子遊戲菩薩問佛功德。及供養佛功德。佛爲分別。并說呪勸持。

華積陀羅尼神呪經二紙餘。南莫北能。

吳月支國優婆塞支謙譯。

師子奮迅菩薩所問經二紙。南莫北能。

師子奮迅菩薩所問經二紙。南莫北能。

附東晉錄。

佛說華聚陀羅尼呪經二紙餘。南莫北能。

附東晉錄。

三經並與前同。

拔濟苦難陀羅尼經一紙半。一名勝福往生淨土經。行

唐大慈恩寺沙門釋玄奘譯。

佛在逝多林。不可說莊嚴菩薩請問救濟苦衆生法。佛爲說不動如來滅惡趣王如來二呪。

佛母大孔雀明王經三卷。南改北知。

唐北天竺沙門大廣智不空譯。

佛在祇園。莎底苾芻爲衆破薪。被黑蛇螫。苦痛之極。阿難白佛求救。佛爲說大孔雀呪。并諸神諸天諸

佛菩薩名及神呪救之。與今流通本同。

佛說孔雀王呪經二卷。南必北過。

蕭梁扶南國沙門僧伽婆羅譯。

與前經同而稍略。

○佛說大孔雀呪王經三卷。南改北知。

唐大薦福寺沙門釋義淨譯。

閱藏知津 三方等密部

亦與前同。而華梵音聲稍別。

佛說大孔雀王神呪經四紙欠。南必北過。

東晉西域沙門帛尸梨蜜多羅譯。

佛說大孔雀王雜神呪經十二紙半。南必北過。

東晉西域沙門帛尸梨蜜多羅重譯。

大金色孔雀王呪經一卷。南必北過。

姚秦北天竺沙門鳩摩羅什譯。

已上三經。皆即前經中之少分。

佛說大孔雀明王畫像壇場儀軌四紙餘。南學北杜。

唐北天竺沙門大廣智不空譯。

應與前經並流通。

菩提場莊嚴陀羅尼經一卷。不

唐北天竺沙門大廣智不空譯。

佛住廣博大園。因毗紐達多婆羅門求子。爲說陀羅尼。種植一切善根。能滿一切意願。

佛說大乘聖無量壽決定光明王如來陀羅尼經五紙。南竭北力。

宋中印土沙門法天譯。

佛向妙吉祥菩薩說西方無量壽佛陀羅尼能增壽命得大利益。
佛說無能勝旃王如來莊嚴陀羅尼經三紙。南竭北忠。

宋北印土沙門施護譯。

佛在忉利天宮。帝釋與脩羅戰敗。請問於佛。佛爲說呪。書此陀羅尼置旌旗上。一切怨敵無能勝者。
佛說聖莊嚴陀羅尼經上下合卷。南臨北命。

宋北印土沙門施護譯。

佛在迦毗羅城。羅睺童子臥時。被惡羅刹所嬈。佛爲說呪護之。又說結界陀羅尼。慈氏梵王亦各說呪。
佛更勅一切天龍鬼神各說自明。

○佛說寶帶陀羅尼經八紙欠。南斯北夙。

宋北印土沙門施護譯。

與上經同。

大吉義神呪經二卷。行

元魏昭玄統沙門釋曇曜譯。

先說歸命燒香請三寶及天龍各各呪法。次明天阿脩羅共戰。帝釋軍敗。請救於佛。佛爲說大結界呪。
次有一切天龍鬼神。次第助佛說呪。既說呪已。佛乃說持呪所辦之法。

金剛光燄止風雨陀羅尼經一卷。南羊北維。

唐南印度沙門菩提流志譯。

佛及大身摩嚧茶并諸天王各說調伏惡龍止風雨法。

佛說聖多羅菩薩經五紙欠。南興北深。

宋中印土沙門法賢譯。

佛在香醉山爲五髻乾闥婆王說聖多羅菩薩呪及頌讚持者得生極樂國。

聖觀自在菩薩一百八名經四紙餘。南盡北則。

宋中印土沙門天息災譯。

佛在補怛洛迦山說持者亦生極樂世界。

毗俱胝菩薩一百八名經三紙餘。南盡北則。

宋中印土沙門法天譯。

佛說菩薩一百八名呪持者得生極樂世界。

佛說大吉祥陀羅尼經一紙。南興北深。

宋中印土沙門法賢譯。

佛在蘇珂曠帝佛刹觀自在菩薩請說神呪令衆生獲大富貴。

佛說大吉祥天女十二契一百八名無垢大乘經六紙餘。南流北興。

唐北天竺沙門大廣智不空譯。

佛住安樂世界向無畏觀自在菩薩說三十八吉祥如來名號及十二契一百八名無垢讚歎真言。佛說大吉祥天女十二名號經一紙餘。南流北輿。

唐北天竺沙門大廣智不空譯。

佛住極樂世界爲觀自在菩薩說此呪能除貧窮一切不祥。

大乘八大曼拏羅經一紙半。南風北臨。

宋中印土沙門法賢譯。

佛在補陀落迦山寶藏月光菩薩請說。先於中心安佛。次安八大菩薩。所謂觀自在。慈氏。虛空藏。普賢。金剛手。曼殊室哩。除蓋障。地藏。共有九呪。

○佛說八大菩薩曼荼羅經二紙半。南淵北斯。

唐北天竺沙門大廣智不空譯。

與上經同。而後有八大菩薩讚。

無垢淨光大陀羅尼經一卷。南莫北彼。

唐觀貨邏國沙門彌陀山等譯。

佛在迦毗羅城精舍。劫比羅戰荼婆羅門七日後當命終。有善相師答之。因恐懼來見佛。佛勅令修理古塔。念誦神呪。增長命根。生極樂國。乃至成佛。遂廣說造塔及呪法。

聖佛母小字般若波羅密多經三紙欠。南竭北忠。

宋中印土沙門天息災譯。

佛在鷲峰山。聖觀自在菩薩請佛說此小字般若真言。復說勝妙般若波羅密多陀羅尼。

諸佛心印陀羅尼經一紙半。南盡北則。

宋中印土沙門法天譯。

佛在兜率天。說二呪。聞者不生魔界。速證菩提。

○諸佛心陀羅尼經二紙餘。行

唐大慈恩寺沙門釋玄奘譯。

佛於如來境。爲菩薩說。彙門云。與上經同。

消除一切閃電障難。隨求如意陀羅尼經三紙半。忠

宋北印土沙門施護譯。

佛在舍衛國。向阿難說四方電名。并說神呪。觀自在。金剛手。梵王。帝釋。四王。亦各說呪。佛又勅龍王等

而說一呪。

○佛說如意摩尼陀羅尼經三紙。南盡北則。

宋北印土沙門施護譯。

與上經同。

虛空藏菩薩問七佛陀羅尼經一卷。南莫北問。

附梁錄

佛在雞羅莎山頂。一比丘爲惡病所持。一比丘爲惡鬼所持。虛空藏菩薩請佛哀救。佛現神力。七佛皆於空中各說一呪。

如來方便善巧呪經八紙半。南莫北問。

隋北天竺沙門闍那崛多譯。

與上經同。

○聖虛空藏菩薩陀羅尼經六紙餘。南力行忠。

宋中印土沙門法天譯。

二比丘裸形叫喚。虛空藏問佛。佛召七佛各說一呪。虛空藏亦說一呪。亦與上經同。

佛說救拔餓口餓鬼陀羅尼經三紙餘。南淵北斯。

唐北天竺沙門大廣智不空譯。

佛在尼拘律園。阿難獨居。念所受法。於夜三更。見餓口餓鬼。怖而問佛。佛爲說無量威德自在光明勝妙力陀羅尼。即今變食眞言。并說多寶妙色身。廣博身。離怖畏。四如來名。若施鬼等。持七徧。施仙等。持二七徧。供三寶。持二十一徧。餓口法始於此。

○佛說救面然餓鬼陀羅尼神呪經三紙半。南行北念。

唐于闐國沙門實叉難陀譯。

與上經同。而無四佛名號。

佛說甘露經陀羅尼七行。南行北念。

唐于闐國沙門實叉難陀譯。

即今施甘露真言。

瑜伽集要救阿難陀羅尼箴口儀軌經一卷。南止北斯。

唐北天竺沙門大廣智不空譯。

有啓請法。破地獄印。呪各一。召餓鬼印。呪各一。召罪印。呪各一。摧罪印。呪各一。淨業印。呪各一。懺悔印。呪各一。甘露印。呪各一。開咽喉印。呪各一。七如來名號。歸依三寶。發菩提心。印。呪各一。受三昧耶戒印。呪各一。施食印。一。呪二。普供養印。呪各一。奉送印。呪各一。今時施食。決宜依此行持。

佛說延壽妙門陀羅尼經六紙餘。南興北深。

宋中印土沙門法賢譯。

佛在成正覺地。金剛手菩薩請說妙呪。佛放眉光。集十方佛讚助。及明二十功德。

○護命法門神呪經九紙半。南莫北岡。

唐南印度沙門菩提流志譯。

與上經同。而明二十功德之後。金剛手菩薩。梵王。帝釋。四王。鬼子母。藥叉。金剛手。大自在。天子。童子。軍將。月光天子。聖觀自在。慈氏菩薩。雪山大藥叉。金剛商羯羅天女。金剛軍。金剛使者。各說神呪。佛

普伸右手而讚印之。

善法方便陀羅尼經五紙餘。南莫北闍。

附東晉錄。

金剛祕密善門陀羅尼經四紙半。南莫北闍。

附東晉錄。

二經並與上同。而助呪少。

佛說七俱胝佛母準提大明陀羅尼經并念誦觀行等法。共十四紙。南改北莫。

唐南天竺沙門金剛智譯。

佛在祇園。愍念未來衆生。說過去七俱胝準提如來等佛母準提陀羅尼。

◎佛說七俱胝佛母心大準提陀羅尼經三紙。南改北莫。

唐中印度沙門地婆訶羅譯。

◎七俱胝佛母所說準提陀羅尼經一卷。南淵北莫。

唐北天竺沙門大廣智不空譯。

二經並與上同。而地婆譯缺觀行法。

佛說慈氏菩薩誓願陀羅尼經一紙欠。南夙北臨。

宋中印土沙門法天譯。

佛爲慈氏說呪。慈氏立誓拔苦受記。

百千印陀羅尼經一紙餘。行

唐于闐國沙門實叉難陀譯。

共有三呪。應書供塔中。

六字大陀羅尼呪經一紙欠。行

附梁錄。

亦是爲救阿難故說。

六字呪王經四紙餘。南莫北能。

附東晉錄。

因旃陀羅女厭惑阿難。說此破之。

六字神呪王經六紙。南莫北能。

附梁錄。

與上經同。而呪稍多。

佛說聖六字大明王陀羅尼經一紙半。南臨北命。

宋北印土沙門施護譯。

佛在給孤獨園。爲阿難說二呪。

佛說大護明大陀羅尼經五紙。南力北忠。

宋中印土沙門法天譯。

佛在沒哩際疏聚落。往吠舍離城說呪。爲除災難。

聖六字增壽大明陀羅尼經一紙半。南履北臨。

宋北印土沙門施護譯。

佛在祇園阿難有病。佛詣彼說呪救之。

佛說療痔病經一紙。當

唐大薦福寺沙門釋義淨譯。

共有二呪。

佛說善樂長者經二紙半。南興北深。

宋中印土沙門法賢譯。

佛在迦毗羅城。爲長者說清淨眼祕密大神呪。治其眼病。

佛說能淨一切眼疾病陀羅尼經一紙餘。南淵北斯。

唐北天竺沙門大廣智不空譯。

與上經同。

佛說蓮華眼陀羅尼經一紙欠。南盡北則。

宋北印土沙門施護譯。

能除六根病。得六根清淨。

佛說寶生陀羅尼經一紙欠。南命北盡。

宋北印土沙門施護譯。

持誦者滅一切罪。得天眼清淨。

佛說尊勝大明王經三紙欠。南命北則。

宋北印土沙門施護譯。

佛爲阿難說呪。亦是過去七俱胝佛所說。

佛說金身陀羅尼經二紙。南斯北夙。

宋北印土沙門施護譯。

說呪亦說功用。

佛說持世陀羅尼經三紙餘。行

唐大慈恩寺沙門釋玄奘譯。

佛在建磔迦林。妙月長者請問除貧愈病滅罪安危之法。佛爲說陀羅尼。

○佛說雨寶陀羅尼經四紙欠。南流北興。

唐北天竺沙門大廣智不空譯。

△佛說大乘聖吉祥持世陀羅尼經七紙。南場北力。

宋中印土沙門法天譯。

二經並與同上。

聖持世陀羅尼經六紙半。南忠北則。

宋北印土沙門施護譯。

先說持法。次說諸呪。諸印。

佛說聖大總持王經三紙半。南命北則。

宋北印土沙門施護譯。

佛在祇園爲阿難說四呪。能知七生。十四生。二十一生。及倍倍生事。

佛說宿命智陀羅尼經半紙。南夙北臨。

宋中印土沙門法賢譯。

持者能知宿命。

佛說鉢蘭那除疇哩大陀羅尼經二紙。南夙北臨。

宋中印土沙門法賢譯。

除惡魔鬼神。及消除災害疾疫。

佛說俱枳羅陀羅尼經一紙餘。南夙北臨。

宋中印土沙門法賢譯。

佛在祇園爲阿難說。

佛說妙色陀羅尼經一紙欠。南夙北臨。

宋中印土沙門法賢譯。

可誦之。出生飲食。施鬼神。

佛說大七寶陀羅尼經半紙。行

附梁錄。

以七佛功德。令衆生除怖畏。

佛說栴檀香身陀羅尼經一紙餘。南夙北臨。

宋中印土沙門法賢譯。

誦者得見觀自在菩薩。亦治惡癩瘡癬。

佛說無畏陀羅尼經二紙欠。南思北之。

宋中印土沙門法賢譯。

佛爲比丘衆說。

佛說施一切無畏陀羅尼經二紙欠。南思北斯。

宋北印土沙門施護等譯。

佛爲帝釋天主說。

佛說熾盛光大威德消災吉祥陀羅尼經一紙半。南思北之。

唐北天竺沙門大廣智不空譯。

即流通消災經本。

佛說大威德金輪佛頂熾盛光如來消除一切災難陀羅尼經二紙餘。南思北之。

唐代失譯人名。

與上經同。而有九曜真言。

佛說持明藏八大總持王經五紙餘。南命北則。

宋北印土沙門施護譯。

共說十呪。

佛說六門陀羅尼經一紙。行。

唐大慈恩寺沙門釋玄奘譯。

佛在淨居天上說呪。持者速證菩提。

佛說善夜經三紙。行。

唐大薦福寺沙門釋義淨譯。

栴檀天子覺悟比丘令其問佛。佛爲說經。并三呪。

勝幢臂印陀羅尼經一紙半。南得。北莫。

唐大慈恩寺沙門釋玄奘譯。

因大梵王及觀世音請問。故說此呪。持者更不受惡趣生。

妙臂印幢陀羅尼經一紙餘。南得。北莫。

唐于闐國沙門實叉難陀譯。

與上經同。

佛說普賢菩薩陀羅尼經二紙餘。南命。北盡。

宋中印土沙門法天譯。

普賢菩薩入三昧。一切佛摩頂讚之。乃放光說呪。

佛說十八臂陀羅尼經一紙。南夙。北臨。

宋中印土沙門法賢譯。

爲阿難說。持者消滅根本罪業。積集無量功德。

佛說勝旛瓔珞陀羅尼經二紙。南臨。北命。

宋北印土沙門施護譯。

佛在喜樂山頂天宮。不遠仙人住處。因大梵王啓請。說呪拔罪。

佛說滅除五逆罪大陀羅尼經一紙欠。南夙。北臨。

宋中印土沙門法賢譯。

爲阿難說

佛說洛叉陀羅尼經一紙餘。南風北臨。

宋中印土沙門法賢譯。

持此呪。如持洛叉佛無異。

佛說無量功德陀羅尼經一紙欠。南風北臨。

宋中印土沙門法賢譯。

持一洛叉得見慈氏。持二洛叉得見觀自在。持三洛叉得見無量壽佛。

佛說披除罪障呪王經二紙欠。行

唐大薦福寺沙門釋義淨譯。

佛於淨居天上說諸呪法。曼殊菩薩曲爲不信之人求救濟法。佛爲說此一大呪王。

佛說一切法功德莊嚴王經十三紙餘。行

唐大薦福寺沙門釋義淨譯。

佛在竹林。入能斷惑離垢三昧。大地震動。大衆雲集。執金剛請說此經。三止之後。乃說二種四法。觀世音菩薩讚此法門。法師及供養者當生極樂。次說勝妙陀羅尼及說壇儀。

莊嚴王陀羅尼經三紙。行

唐大薦福寺沙門釋義淨譯。

佛在布怛落迦山。爲觀世音妙吉祥二大菩薩。說往昔所持妙呪。持者當生極樂國。及得無量功德。即時大地震動。佛乃說呪。并說持法。

八名普密陀羅尼經一紙半。行

唐大慈恩寺沙門釋玄奘譯。

佛爲金剛手菩薩。說易成無損之呪。

佛說祕密八名陀羅尼經一紙半。南興北深。

宋中印土沙門法賢譯。

與上經同。

佛說如意寶總持王經二紙餘。南命北則。

宋北印土沙門施護譯。

佛在觀史多天宮。妙住菩薩請問。有善男子。一心受持此如意寶總持章句。何因不見不聞。去來現在世尊。佛言。以住福業故。又疑未斷故。此雖受持。而非受持。住有爲心。無善巧智。無方便故。若能心無疑惑。決定專注。是則名爲眞實持者。

此經雖不說神呪。乃持神呪者之總訣也。

佛說一向出生菩薩經一卷。南改北莫。

隋北天竺沙門闍那崛多譯

佛將入涅槃。勅目連集一切聲聞緣覺。又勅菩薩集十方菩薩。舍利弗請說法。佛爲說佛羅尼及修行種種四法。亦說過去然燈佛阿彌陀佛。聞法得菩提事。

佛說無量門微密持經半卷。南閩北莫。

吳月支國優婆塞支謙譯。

呪譯作華言。

△佛說出生無量門持經半卷。南閩北莫。

東晉迦維羅衛國沙門佛陀跋陀羅譯。

呪亦譯作言。

阿難陀目佉尼訶離陀鄰尼經九紙餘。南得北莫。

元魏北天竺沙門佛陀扇多譯。

華梵雙具。止有四十八句。

阿難陀目佉尼訶離陀經九紙。南得北莫。

劉宋中天竺沙門求那跋陀羅譯。

止有華言四十八句。

佛說無量門破魔陀羅尼經十紙欠。南得北莫。

劉宋天竺沙門功德直共玄暢譯。

舍利弗陀羅尼經七紙半。南得北莫。

蕭梁扶南國沙門僧伽婆羅譯。

○出生無邊門陀羅尼經十三紙餘。南得北莫。

唐于闐國沙門釋智嚴譯。

呪有八十九句。

○佛說出生無邊門陀羅尼經十紙。南流北輿。

唐北天竺沙門大廣智不空譯。

已上八經並與前同本。

卷第十四

大乘經藏 方等部第二之十三

大方廣菩薩藏文殊師利根本儀軌經二十卷。南作十二卷。北作十卷。南則盡。北若。

宋中印土沙門天息災譯。

序品第一。佛住淨光天上。放眉間光。照於開華世界。開華主佛所妙吉祥童子。令來會中。彼佛先爲說三真言。次來至釋迦佛會。入於三昧。普召一切佛菩薩等。同來集會。妙吉祥略說真言行義法句。從一

法乃至八法。菩薩變化儀軌品第二。曼拏羅儀則品第三。上品轆像儀則品第四。中品轆像儀則品第五。下品轆像儀則品第六。第四轆像儀則品第七。第一成就最上法品第八。第二成就最上法品第九。第三成就最上法品第十。第四淨行觀想護摩成就法品第十一。數珠儀則品第十二。一金剛子。二印捺囉子。三菩提子。四穗子。西枝北枝東枝者皆好。唯南枝者決不可用。護摩品第十三。曼拏羅成就法大輪一字明王畫像儀則品第十四。一切法行義品第十五。法義品第十六。隨業因果品第十七。陰陽善惡徵應品第十八。略說大輪一字品第十九。略說一字大輪王畫像成就品第二十。一字根本心真言儀則品第二十一。妙吉祥心麼字唵字成就法儀則品第二十二。妙吉祥六字心真言品第二十三。地位時節儀則品第二十四。執魅者儀則品第二十五。如來藏大法寶法界相無數功德祥瑞品第二十六。生無量功德果報品第二十七。說印儀則品第二十八。

經文未盡

○大方廣菩薩藏經中文殊師利根本一字陀羅尼法三紙欠。南必北能。

唐迦溼蜜羅國沙門寶思惟譯。

即流通護身真言也。

曼殊室利菩薩呪藏中一字呪王經四紙半。南必北能。

唐大薦福寺沙門釋義淨譯。

與上經同。

◎佛說大陀羅尼末法中一字心呪經十七紙。南燕、北念。出文殊根本儀軌經。

唐迦溼蜜羅國沙門寶思惟譯。

具畫像法護摩法等。

金剛頂經曼殊室利菩薩五字心陀羅尼品十紙欠。出大部。南行、北念。

唐南天竺沙門金剛智譯。

呪曰。阿囉跛者娜。具有壇法持法。

文殊師利寶藏陀羅尼經一卷。亦名文殊師利菩薩八字三昧法。南景、北羊。

唐南印度沙門菩提流志譯。

佛在淨居天。光照文殊頂。文殊復以光照金剛密迹主頂。金剛請問法滅之後。云何文殊廣利衆生。佛言。當於東北方大振那國五頂山遊行居住。有祕密心呪。并畫像壇印等法。先說十八大陀羅尼。次說八字祕密心陀羅尼。曰。唵。阿末囉吽。卻晰囉。次說畫像法壇法印法。

聖閻曼德迦威怒王立成大神驗念誦法六紙餘。南竟、北紫。

唐北天竺沙門大廣智不空譯。

佛於淨居天宮。命文殊師利菩薩說威怒王勝根本真言。

大方廣曼殊室利童真菩薩華嚴本教讚閻曼德迦忿怒王真言阿毗遮嚩迦儀軌品第三十一六足本

尊品第二。南一卷。北與前二合卷。南學北業。

唐北天竺沙門大廣智不空譯。

說忿怒王眞言成就有情。治罰難調伏者法。閻曼德迦忿怒王品第三十二。答寂靜慧菩薩問。復說諸調伏法。

文殊師利菩薩根本大教王經金翅鳥王品十紙。南取北止。

唐北天竺沙門大廣智不空譯。

佛在淨居天宮。金翅鳥王對文殊說眞言密行。

文殊問經字母品二紙。南不北清。

唐北天竺沙門大廣智不空譯。

佛告文殊。諸法入於字母。及陀羅尼字義。

佛說最上意陀羅尼經五紙欠。南命北則。

宋北印土沙門施護譯。

佛在救鵠城。爲阿難陀及一切大衆。說往昔傳教比丘。遇神人說呪。神人即妙吉祥菩薩。○佛說聖最勝陀羅尼經三紙半。南履北臨。

宋北印土沙門施護譯。

苾芻往支那路中見大人。知是文殊。爲說神呪。疑與上經同本。

不空羼索神變真言經三十卷 南長知過北必改得。

唐南印度沙門菩提流志等譯。

母陀羅尼真言序品第一。佛在補陀洛山。大衆雲集。觀世音菩薩啓白佛已。說不空羼索心王母陀羅尼真言。祕密心真言品第二。祕密成就真言品第三。祕密印三昧耶品第四。法界密印莊嚴品第五。羼索成就品第六。護摩增益品第七。祕密灌頂品第八。三三昧耶像品第九。護摩安隱品第十。清淨無垢蓮華王品第十一。廣大解脫曼拏羅品第十二。最勝明王真言品第十三。奮怒王品第十四。悉地王真言品第十五。廣博摩尼香王品第十六。金剛摩尼藥品第十七。如意摩尼瓶品第十八。如來加持品第十九。溥徧心印真言出世間品第二十。溥徧心印真言世間品第二十一。不思議觀陀羅尼真言品第二十二。陀羅尼真言辯解脫品第二十三。最上神變解脫壇品第二十四。光燄真言品第二十五。出世解脫壇儀品第二十六。一切菩薩敬禮解脫三昧耶真言品第二十七。出世解脫壇印品第二十八。出世相應解脫品第二十九。根本蓮華頂陀羅尼真言品第三十。十地真言品第三十一。世間成就品第三十二。蓮華頂阿伽陀藥品第三十三。護摩成就品第三十四。根本蓮華壇品第三十五。根本蓮華頂像品第三十六。神變密印品第三十七。神變真言品第三十八。多羅菩薩護持品第三十九。大衆護持品第四十。普徧解脫陀羅尼真言品第四十一。溥徧解脫心曼拏羅品第四十二。溥徧輪轉輪王阿伽陀藥品第四十三。溥徧輪轉輪王神通香品第四十四。如意阿伽陀藥品第四十五。無

垢光神通解脫三昧耶像品第四十六 大奮怒王品第四十七 一切種族壇印品第四十八 大奮怒王字輪壇真言三昧耶品第四十九 大奮怒王真言護持品第五十 執金剛祕密主問疑品第五十一 廣大明王央俱捨真言品第五十二 廣大明王摩尼曼拏羅品第五十三 廣大明王三三昧耶品第五十四 廣大明王阿伽陀藥品第五十五 廣大明王央俱捨羅索曼拏羅品第五十六 廣大明王圖像品第五十七 大可畏明王品第五十八 然頂香王成就品第五十九 點藥成就品第六十 護摩祕密成就品第六十一 斫菟眼藥成就品第六十二 神變阿伽陀藥品第六十三 召請諸天密護品第六十四 大可畏明王像品第六十五 大可畏明王壇品第六十六 清淨蓮華明王品第六十七 灌頂真言成就品第六十八 灌頂曼拏羅品第六十九 不空摩尼供養真言品第七十 祈雨法品第七十一 清淨蓮華明王成就法品第七十二 功德成就品第七十三 供養承事品第七十四 明王曼拏羅像品第七十五 畝捺羅印品第七十六 密儀真言品第七十七 囑累品第七十八

○佛說不空羅索呪經一卷 南才北過。

隋北天竺沙門闍那崛多等譯。

不空羅索神呪心經一卷 南才北過。

唐大慈恩寺沙門釋玄奘譯。

呪內間諸華言。

○不空羼索呪心經一卷。南才北過。

唐南印度沙門菩提流志譯。

○聖觀自在菩薩不空王祕密心陀羅尼經九紙半。南淵北斯。

宋北印土沙門施護譯。

四經皆即前經之第一品。

佛說大乘莊嚴寶王經四卷。竭

宋中印土沙門天息災譯。

佛在舍衛國。有無量菩薩。及八部男女集會。從大地獄。出大光明。徧照園中。現大莊嚴。除蓋障菩薩。請問因緣。佛爲說聖觀自在菩薩歷劫救苦之事。及說所住種種三昧之名。又說身諸毛孔。希有功德。普賢菩薩行十二年不得邊際。次求六字大明陀羅尼。并見波羅奈城法師。最後佛告阿難。具說伽藍中所造惡業。所招惡報。

此亦生淨土之捷徑。

佛說大方廣曼殊室利經。觀自在菩薩儀軌經一卷。南取北止。

唐北天竺沙門大廣智不空譯。

受記品第一。世尊復徧觀察淨居天宮。讚歎觀自在菩薩。授成佛記。觀自在菩薩頂禮佛足。讚如來已。還就本座。入普光明多羅三昧。從右目瞳放光。流出妙女。普告衆生。誓度苦海。徧遊世界。還至佛所。禮

觀自在。持青蓮華。瞻仰而住。觀自在菩薩乃說偈說呪。曼荼羅品第二。畫像品 第三。畫像品
發遣聖者陀羅尼 一。髻羅刹陀羅尼能令用功少。成就疾亦是多羅菩薩使者。

佛說大方廣曼殊室利經觀自在多羅菩薩儀軌經十一紙。南川北止。

卽前經重出。

葉衣觀自在菩薩經七紙餘。南不北清。

唐北天竺沙門大廣智不空譯。

佛住極樂世界。金剛手菩薩。啓請觀世音菩薩說葉衣觀自在菩薩陀羅尼。

阿喇多羅陀羅尼阿嚕力經一卷。南川北流。

唐北天竺沙門大廣智不空譯。

佛在給孤獨園。觀自在菩薩說真言曰。唵。阿嚕力迦。半音呼之。娑嚩二合引訶。引此是一切蓮華部心。

次說種種曼荼羅法。畫像法。護摩法。持者生極樂國。

金剛恐怖集會方廣軌儀觀自在菩薩三世最勝心明王經一卷。南川北止。

唐北天竺沙門大廣智不空譯。

序品第一。佛在寶峰大山宮殿。觀自在菩薩說心真言。及頭頂眼等。共十五真言。成就事品第二。

成就如意寶品第三。療一切病品第四。一切有情敬念品第五。義利成就品第六。成就軌儀

品第七。普通成就品第八。成就心真言品第九。

十一面觀自在菩薩心密言念誦儀軌經上中下合卷 南鑿北止。

唐北天竺沙門大廣智不空譯。

佛住補陀洛山。觀自在菩薩與無量持明仙圍繞。禮佛而坐。說自根本密言。次說澡浴焚香獻華飲食等一切密言。又說修行儀軌通蓮華部一切念誦法。

千手千眼觀世音菩薩廣大圓滿無礙大悲心陀羅尼經一卷 南必北能。

唐西天竺沙門伽梵達摩譯。

佛住補陀洛迦山。觀世音菩薩於大會中密放神通光明。總持王菩薩請問於佛。佛云。是觀世音菩薩。爲欲安樂衆生。故密放光。觀世音菩薩即啓白於佛。然後說呪。次爲大梵天王說呪形貌相狀。及修行法。佛又爲阿難說種種求願治病方法。及略說四十手功德。日光菩薩。月光菩薩亦各說一呪。護持行人。

此即流通本大悲呪也。四明尊者依經設立行法。自宋至今。如說修者。效驗非一。所貴深信篤行。自修自證。儻涉世諦流布。則名盛而實衰矣。可不慎哉。

千手千眼觀世音菩薩姥陀羅尼身經一卷 南必北能。

唐南印度沙門菩提流志譯。

呪共十四。印共二十五。與大悲呪不同。

千眼千尊觀世音菩薩陀羅尼神呪經上下合卷 有波耑序 南必北能。

唐大總持寺沙門釋智通譯

與上經同。

觀自在菩薩恒矚多唎隨心陀羅尼經一卷。南必北能。

唐大總持寺沙門釋智通譯。

佛住極樂世界。觀世音菩薩說此陀羅尼。及說四十八印法。療一切病壇法。

如意輪陀羅尼經一卷。此經出大蓮華金剛三昧耶加持祕密無障礙經。南必北能。

唐南印度沙門菩提流志譯。

序品第一 破業障品第二 誦念法品第三 印法品第四 共三十印。壇法品第五 佩藥品第

六 含藥品第七 眼藥品第八 護摩品第九 囑累品第十

○觀世音菩薩祕藏神呪經八紙欠。南必北能。

唐于闐國沙門實叉難陀譯。

觀世音菩薩如意摩尼陀羅尼經六紙欠。南必北能。

唐迦濕密羅國沙門實思惟譯。

二經並與上同。而稍略。

○觀自在菩薩如意心陀羅尼呪經三紙。南必北能。

唐大薦福寺沙門釋義淨譯。

亦即前經第一品也。此呪即流通十小呪中第一首。

佛說觀自在菩薩母陀羅尼經二紙餘。南與北深。

宋中印土沙門法賢譯。

佛在廣嚴城。普賢菩薩說此呪。

佛說一切如來名號陀羅尼經二紙。南與北深。

宋中印土沙門法賢譯。

佛初成道。觀自在菩薩說呪。并說受持者當得成佛。

觀自在菩薩說普賢陀羅尼經三紙半。南淵北斯。

唐北天竺沙門大廣智不空譯。

佛在靈鷲山。觀世音菩薩說一根本呪。一結界呪。一奉請呪。

○清淨觀世音菩薩普賢陀羅尼經五紙餘。行

唐大總持寺沙門釋智通譯。

與上經同。而有畫像入壇受持法。

請觀世音菩薩消伏毒害陀羅尼經一卷。南莫北能。

東晉天竺居士竺難提譯。

佛在菴羅樹園。月蓋長者請佛救療毗舍離國惡病。佛爲說西方一佛二菩薩名。即得見佛菩薩。菩薩

大悲爲說神呪。

智者大師有請觀音經疏。并立行法。慈雲懺主依此行法得除惡病。兼獲音聲辯才。

廣大蓮華莊嚴曼拏羅滅一切罪陀羅尼經八紙半。南命北盡。

宋北印土沙門施護譯。

佛在鹿野苑中。梵壽國王偶至一寺。寺僧用佛頂華鬘迎之。王受戴頭上。忽然頭痛。醫不能療。其妹勸令見佛。佛說其故。且先說妹等夙緣。次有大意菩薩請問用常住物果報。佛言。決墮阿毗地獄。又問救濟之方。佛乃三請觀自在菩薩說呪。并請說畫像。念誦及曼拏羅儀軌。

佛說一髻尊陀羅尼經十二紙欠。南思北斯。

唐北天竺沙門大廣智不空譯。

佛在鷲峰。觀自在菩薩從頂化出。羅刹王說呪降伏諸惡鬼神。并說壇法。

佛說秘密三昧大教王經四卷。南息北淵。

宋北印土沙門施護譯。

一切如來大乘現證三昧金剛儀軌會。世尊在三十三天。與一百六十萬俱胝那庾多大菩薩衆。及金剛明妃。金剛執侍天王。天女等俱。金剛手菩薩說秘密心明。及曼拏羅頌等。金剛破惡大儀軌會。亦金剛手菩薩說。轉字輪曼拏羅會。妙吉祥菩薩。諸欲自在菩薩。歡喜王菩薩。虛空藏菩薩。大光菩薩。寶幢菩薩。極喜根菩薩。聖觀自在菩薩。金剛輪菩薩。金剛法菩薩。金剛無言菩薩。金剛巧業菩薩。金剛

護菩薩降諸魔菩薩一切如來金剛拳菩薩各說大明及曼拏羅儀軌。金剛手菩薩又說大明及曼拏羅儀軌。於是一切如來以偈問金剛手。金剛手次第答十三問。又告梵釋諸天令其各說心明儀軌。

最上大乘金剛大教寶王經上下合卷 南履北臨。

宋中印土沙門法天譯。

佛在廣嚴城。口放光明。印捺羅部帝天子請法。佛先爲說往緣。次勅金剛手菩薩授以秘法。兼說弟子八事及二諦等。

妙臂菩薩所問經四卷。今作二卷。南盡北則。

宋中印土沙門法天譯。

得勝師助伴速獲悉地分第一。妙臂菩薩以持誦真言者得成就。不成就。義問金剛手菩薩。金剛手答言。修真言行求成就者。常須離諸煩惱。起於深信。發菩提心。重佛法僧。信重於我。歸命大金剛族。遠離十不善業。常離愚迷邪見。常須入彼三昧耶大曼拏羅。承彼聖力加護。仍須發勇猛心。發菩提心。唯信於佛。不信外道天魔等。先須求依戒德清淨福德最勝阿闍梨。譬如種田。須依好地。若有宿業。須取勝地。作塔安像。供養讚歎。懺悔持誦。又須具助伴。如車二輪。選求勝處分第二。分別數珠持心離障分第三。菩提子。金剛子。蓮華子。木槵子。及種種諸寶等爲珠。凡持誦時。真言印契。收攝其心。貪瞋癡等若盛。應作不淨。慈悲緣起等觀。一切善法。皆悉迴向無上菩提。如衆流皆歸於海。又不應爲小妨大。又應遠離八法。又不得喫供養殘食。及鬼神殘食。金剛杵頻那夜迦分第四。先分別跋折羅法。次明作

障頻那夜迦。有其四部。唯大明真言能退之。又持誦供養護摩等時。若不依法。及闕儀則。或復行人心有疑惑。或復談說世俗間事。彼作障者。即得其便。次說護身之法。令不得便。分別悉地。相分第五。不應於真言曼拏羅加減傳授。亦不得以此法。彼法而相迴換。當具二法。悉地乃成。一者行人具足戒德。正勤精進。不貪嫉。不吝惜。二者真言文句滿足。聲相分明。復次持誦不得大急。亦勿遲緩。使聲和暢。勿高勿默。又不得心緣異境。及與人雜語。令誦間斷。知近悉地。分第六。欲起首悉地。先須具持八戒。四日。或三日。或二晝夜。仍須斷食。方求悉地。說成就分第七。召請鉢天說事。分第八。說諸遮難。分第九。說勝道分第十。即八正道。分別諸部分第十一。說八法分第十二。成就共有八法。上三。中三。下二。不應求下品也。

此密宗要典。

蘇婆呼童子經三卷。南羊。北賢。

唐中印度沙門輪迦波羅初譯。

與上經同而較詳。但文稍不及。亦宜參看。

蘇悉地羯羅經三卷。北作四卷。南羊。北克。

唐中印度沙門輪迦波羅譯。

請問品第一。忿怒軍荼利菩薩。請問執金剛。真言相分第二。執金剛明此經五種莊嚴。一大精進。二明王。三能除障。四能成就諸勇猛事。五能成就一切真言。若有持誦餘真言法。不成就者。當令兼持此。

經根本真言。分別阿闍梨相品第三。分別持誦真言相品第四。分別同伴相品第五。揀擇處所品第六。分別戒法品第七。具明種種不應爲事。亦有淨水淨土洗浴漱口等一切真言。供養華品第八。塗香藥品第九。分別燒香品第十。然燈法品第十一。獻食品第十二。各藏內元落部三品。分別成就品第十六。奉請品第十七。供養品第十八。光顯品第十九。本尊灌頂品第二十。祈請品第二十一。受真言品第二十二。滿足真言品第二十三。增力品第二十四。護摩品第二十五。備物品第二十六。成諸相品第二十七。取物品第二十八。淨物品第二十九。物量品第三十。灌頂壇品第三十一。光物品第三十二。分別悉地時分品第三十三。圓備成就品第三十四。奉請成就品第三十五。補闕少法品第三十六。被偷成就物卻徵法品第三十七。成就具支法品第三十八。此亦密宗要典。

金剛頂瑜伽念珠經一紙餘。於十方廣頌中略出。南川北澄。

唐北天竺沙門大廣智不空譯。

佛勅金剛手菩薩說念珠功德勝利。

佛說金剛手菩薩降伏一切部多大教王經三卷。南履北澗。

宋中印土沙門法天譯。

純說降伏成就法。

金剛恐怖集會方廣軌儀觀自在菩薩三世最勝心明王大威力烏樞瑟摩明王經三卷。南川北止。

唐北天竺沙門阿質達叢譯。

摩醯首羅大部多主請問。金剛手菩薩爲說烏樞瑟摩祕密曼荼羅法。能成一切種種事業。

金剛手光明灌頂經。最勝立印聖無動尊大威怒王念誦儀軌法品十二紙。南優。北鍾。

唐北天竺沙門大廣智不空共徧智譯。

金剛手菩薩說聖者無動心及立印結界護摩等法。

聖迦掘忿怒金剛童子菩薩成就儀軌經五卷。北作二卷。出蘇悉地經大明王教中第六品。南取。北

實。

唐北天竺沙門大廣智不空譯。

金剛手菩薩已說蘇悉地諸真言軌則律儀教法。又爲未來國王。正法治國。生清淨信。尊敬三寶者。又爲外道不信因果。毀謗三寶者。說息災增益敬降伏等法。令知佛法有大威德神通自在。知諸菩薩具一切智。是故說此無比大威德聖迦掘忿怒之法。

大乘方廣曼殊室利菩薩華嚴本教讚閣曼德迦忿怒王真言大威德儀軌品第三十。三紙。南竟。北

藥。

唐北天竺沙門大廣智不空譯。

金剛手菩薩讚說忿怒王真言。

佛說妙吉祥瑜伽大教金剛陪囉嚩輸觀想成就儀軌經一卷。南夙。北言。

宋中印土沙門法賢譯。

曼拏羅分第一 一切成就法分第二 觀想分第三 畫像儀軌分第四 護摩法分第五 觀想成就分第六

金剛薩埵說頻那夜迦天成就儀軌經四卷。南薄。北思。

宋中印土沙門法賢譯。

純說種種成就法。

穢迹金剛說神通大滿陀羅尼法術靈要門經三紙餘。南馨。北清。

唐北天竺沙門無能勝譯。

佛臨涅槃化現力士降螺髻大梵說呪。

穢迹金剛法禁百變法門經四紙。南馨。北清。

唐北天竺沙門阿質達霰譯。

即續前經。明諸符印。

佛說金剛香菩薩大明成就儀軌經三卷。南薄。北思。

宋北印土沙門施護譯。

佛在靚史多天。金剛手菩薩請說。

佛說虛空藏菩薩能滿諸願最勝心陀羅尼求聞持法四紙。出金剛頂經成就一切義品。行

唐中印土沙門輸迦波羅譯。

佛從諸波羅密平等三摩地起說呪。并壇法。印法。

聖多羅菩薩一百八名陀羅尼經六紙餘。南忠。北則。

宋中印土沙門法天譯。

多羅菩薩說一呪。自在天王說一呪。

香王菩薩陀羅尼經二紙。行。

唐大薦福寺沙門釋義淨譯。

一呪。二行法。誦者大獲果報。

增慧陀羅尼經一紙。欠。南履。北臨。

宋北印土沙門施護譯。

大慧菩薩住須彌山頂。童子相菩薩請說此呪。

佛說大摩里支菩薩經七卷。南作五卷。北作四卷。南臨。北盡。

宋中印土沙門天息災譯。

佛在給孤獨園。先爲苾芻說菩薩名。及呪。次說種種護摩儀軌。

◎佛說摩利支天陀羅尼呪經二紙。欠。南改。北盡。

附梁錄。

佛說末利支提婆華鬘經一卷。南言。北靈。

唐北天竺沙門大廣智不空譯。

佛在祇園因舍利子問故說。

佛說摩利支天經三紙餘。南思。北靈。

唐北天竺沙門大廣智不空譯。

三經並從前經出。

佛說最上祕密那拏天經上中下全卷。南溫。北澄。

宋中印土沙門法賢譯。

最上成就儀軌分第一。佛在毗沙門宮。放光加被那拏天。令說心明。成就儀軌分第二。最上成就儀軌分第三。最上曼拏羅儀軌成就法分第四。最上成就畫像儀軌分第五。最上成就供養大明分第六。最上成就印相大明分第七。最上成就敬愛護摩法分第八。大明曼拏羅成就儀軌分第九。

佛說寶藏神大明曼拏羅儀軌經上下合卷。南命。北比。

宋中印土沙門法天譯。

佛在楞伽國中說。

速疾立驗摩醯首羅天說阿尾奢法四紙。南學。北杜。

唐北天竺沙門大廣智不空譯。

那羅延天請摩醯首羅天說迦樓羅使者成辦世間事法。

大藥叉女歡喜母并愛子成就法九紙半。南學北杜。

唐北天竺沙門大廣智不空譯。

佛在竹林。大藥叉女名歡喜者。說自心陀羅尼。及愛子陀羅尼成就法。饒益有情。

訶利帝母真言法三紙欠。南無北隸。

唐北天竺沙門大廣智不空譯。

藥叉女向佛說真言。保胎求男女等法。

佛說護諸童子陀羅尼呪經三紙半。行

元魏北天竺沙門菩提留支譯。

大梵天王說鬼神名及說呪以護童子。佛亦爲說一呪。

囉嚩拏說救療小兒疾病經八紙餘。南夙北臨。

宋中印土沙門法賢譯。

說十二曜母鬼執魅小兒之相。及說祭祀呪法。

千轉大明陀羅尼經三紙。南臨北命。

宋北印土沙門施護譯。

帝釋在佛前說呪。

佛說毗沙門天王經七紙。南臨北盡。

宋中印土沙門法天譯。

佛在給孤獨園。毗沙門天王於初夜分來說神呪。衛護行人。佛囑比丘受持。阿吒婆拘鬼神大將上佛陀羅尼經四紙餘。行。

附梁錄。

與幻師呪緣起同。而說呪人及呪皆不同。

寶賢陀羅尼經一紙半。南與北深。

宋中印土沙門法賢譯。

佛在祇園。寶賢大夜叉王獻呪。安樂貧苦衆生。

幻師颺陀神呪經一紙餘。亦云玄師颺陀所說神呪經。行。

東晉西域沙門竺曇無蘭譯。

因救毒蛇咬鬼神。賊所劫比丘。故說。

佛說大愛陀羅尼經一紙欠。南夙北臨。

宋中印土沙門法賢譯。

佛在祇園。大愛海神對佛說呪。解脫大海危難。

佛說陀羅尼集經十二卷。今作十三卷。有玄楷序。南得能。北忘罔。

唐中天竺沙門阿地瞿多譯。

大神力陀羅尼經釋迦佛頂三昧陀羅尼品一卷。一切佛部一卷內有阿彌陀佛大思惟經十紙欠。應流通。大輪金剛陀羅尼誦三七遍。即當入一切壇。不成盜法。金剛杵功能法相品。般若波羅密多部一卷。觀世音部三卷半。十一面觀世音神呪。千轉觀世音菩薩心印呪。觀世音毗俱知菩薩三昧法印呪品。馬頭觀世音菩薩法印呪品。諸大菩薩法會印呪品半卷。金剛部三卷。諸天部二卷。摩利支天經。功德天法。諸天等獻佛助成三昧法印呪品。諸佛大陀羅尼都會道場印呪品一卷。

○佛說十一面觀世音神呪經九紙欠。南改。北能。

宇文周優波國沙門耶舍崛多等譯。

此經名金剛大道場神呪。有十萬偈成部。略出十一面觀世音一品。出集經第四卷。十一面神呪心經八紙。南改。北能。

唐大慈恩寺沙門釋玄奘譯。

與上經同。

千轉陀羅尼觀世音菩薩呪經二紙。南改。北能。

唐大總持寺沙門釋智通譯。

閱藏知津 三方等密部

出集經第五卷。

六字神呪經二紙半。出集經第六卷內與文殊根本經中呪屬。南改。北能。

唐南印度沙門菩提流志譯。

大聖大歡喜雙身毗那耶迦法二紙半。南學。北杜。

唐北天竺沙門大廣智不空譯。

出陀羅尼集第十一諸天下卷。

佛說大普賢陀羅尼經一紙半。行

開元附梁錄。

根本呪一。治病呪六。

佛說消除一切災障寶髻陀羅尼經三紙半。南夙。北臨。

宋中印土沙門法賢譯。

佛告阿難。帝釋與脩羅戰。敗求救。說呪與之。

大寒林聖難拏陀羅尼經四紙餘。南方。北忠。

宋中印土沙門法天譯。

羅睺羅於寒林中。多被擾惱。佛爲說呪。

佛說檀持羅麻油述經一紙餘。行

東晉西域沙門竺曇無蘭譯。

羅云夜被鬼神燒。佛爲說呪護之。似與上經同。

佛說摩尼維寶經二紙半。行

東晉西域沙門竺曇無蘭譯。

灌頂神呪經第八卷別出。

佛說穰粳童女經三紙餘。南流北興。

唐北天竺沙門大廣智不空譯。

佛在祇園爲苾芻說香醉山童女所宣陀羅尼。能治世間一切諸毒。

佛說安宅神呪經三紙半。行

出後漢錄。

佛在祇園爲離車長者子說。

佛說息除賊難陀羅尼經一紙欠。南與北深。

宋中印土沙門法賢譯。

佛在摩伽陀國阿難怖賊佛爲說結界呪。

佛說辟除賊害呪經半紙餘。行

附東晉錄。

佛說呪時氣病經半紙行

東晉西域沙門竺曇無蘭譯。

佛說呪齒經七行行

東晉西域沙門竺曇無蘭譯。

佛說呪目經四行行

東晉西域沙門竺曇無蘭譯。

佛說呪小兒經五行行

東晉西域沙門竺曇無蘭譯。

五經並如題可知。

佛說除一切疾病陀羅尼經一紙欠。南澗北斯。

唐北天竺沙門大廣智不空譯。

佛在給孤獨園向阿難說。

佛說辟除諸惡陀羅尼經一紙餘。南夙北臨。

宋中印土沙門法賢譯。

能除毒蟲等難。

呪三首經一紙欠。南改北能。

唐中印度沙門地婆訶羅譯

大輪金剛陀羅尼一 日光菩薩呪二 摩利支天呪三

梵本大悲神呪二紙餘

不出譯人名。

前後無文。

呪五首經一紙餘 南改北能

唐大慈恩寺沙門釋玄奘譯。

能滅衆罪千轉陀羅尼呪一 六字呪二 七俱胝佛呪三 一切如來隨心呪四 觀自在菩薩隨

心呪五

種種雜呪經七紙 南改北莫

隋北天竺沙門闍那崛多譯。

妙法蓮華經內呪六首 旋塔滅罪陀羅尼 禮拜滅罪命終諸佛來迎呪 供養三寶呪 觀世音

懺悔呪 金剛呪蛇呪 坐禪安隱呪 呪腫呪 金剛呪治惡鬼病 千轉陀羅尼 第一滅罪清

淨呪 第二呪 第三呪 第四呪 七俱胝佛神呪 隨一切如來意神呪 六字陀羅尼呪 歸

依三寶呪

最勝佛頂陀羅尼二紙餘 南竭北忠

宋中印土沙門法天譯。

但有呪八十八句。前後無文。

大金剛妙高山樓閣陀羅尼七紙半。南命北盡。

宋北印土沙門施護譯。

純呪無文。

金剛摧碎陀羅尼二紙。南思北斯。

宋中印土沙門慈賢譯。

佛說無量壽大智陀羅尼八行。南與北深。

宋中印土沙門法賢譯。

佛說宿命智陀羅尼四行半。南與北深。

宋中印土沙門法賢譯。

佛說妙吉祥菩薩陀羅尼二紙餘。南與北深。

宋中印土沙門法賢譯。

佛說慈氏菩薩陀羅尼五行。南與北深。

宋中印土沙門法賢譯。

佛說虛空藏菩薩陀羅尼七行。南與北深。

宋中印士沙門法賢譯。

六經皆純呪無文。唯妙吉祥陀羅尼。前有偈讚。

拔一切業障根本得生淨土神呪九行。出小無量壽經。 貞

劉宋中天竺沙門求那跋陀羅重譯。

與流通本句讀稍別。

陀羅尼門諸部要目四紙欠。南竟北隸。

唐北天竺沙門大廣智不空譯。

明瑜伽本經有五部。及四曼拏羅。四印。四眼。一百二十護摩等事要目。

卷第十五

大乘經藏 方等部第二之十四已下儀軌。

金剛頂經一切如來真實攝大乘現證大教王經二卷。南優北亦。

唐北天竺沙門大廣智不空譯。

深妙祕密金剛界大三昧耶修習瑜伽儀第一 金剛界大曼拏羅毗盧遮那一切如來族祕密心地

印真言羯摩部第二 三昧耶部第三 供養部第四

即佛說一切如來真實攝大乘現證三昧大教王經第一分修習儀軌也。

金剛頂瑜伽中略出念誦經四卷。南景北念。

唐南天竺沙門金剛智譯。

從臥起時印呪。乃至觀五佛出生一切金剛菩薩。及入壇灌頂等法。

金剛頂瑜伽金剛薩埵五祕密修行念誦儀軌一卷。南竟北藁。

唐北天竺沙門大廣智不空譯。

演頓證如來內功德祕要。

金剛頂瑜伽金剛薩埵儀軌十紙餘。南學北杜。

即上譯重出。

金剛頂瑜伽經十八會指歸八紙餘。南無北隸。

唐北天竺沙門大廣智不空譯。

說十八會修行教法大意。

金剛頂瑜伽三十七尊禮三紙半。南竟北隸。

唐北天竺沙門大廣智不空譯。

說禮佛菩薩名號及懺悔發願文。

一切祕密最上名義大教王儀軌上下全卷。此於瑜伽大部中略出。南竟北杜。

宋北印土沙門施護譯。

解釋一切祕密最上名義。

妙吉祥平等瑜伽祕密觀身成佛儀軌一卷。南優北鍾。

宋中印土沙門慈賢譯。

依經具明課誦法事。

妙吉祥平等觀門大教王經略出護摩儀。七紙。南優北隸。

宋中印土沙門慈賢譯。

一訕底。此言息災。當作圓鑪。二補瑟置。此言增益。或言富貴。鑪如半月。或作八角。三嚙舍。此言敬愛。鑪

作四角。四阿尾左囉。此言降伏。鑪作三角。鑪中燒一切物而作供願。各有呪印。名爲護摩。或翻火祭。

金剛王菩薩祕密念誦儀軌十一紙欠。南無北菓。

唐北天竺沙門大廣智不空譯。

說毗盧遮那如來三密修行大印等法。

金剛頂經瑜伽修習毗盧遮那三摩地法一卷。南無北鍾。

唐南天竺沙門金剛智譯。

說禮佛五悔修供觀心等法。

不空繡索毗盧遮那佛大灌頂光真言一紙半。南思北斯。

唐北天竺沙門大廣智不空譯。

說灌頂光真言成就法。能滅重罪。能生極樂。即流通小祝延呪。

大毗盧遮那成佛神變加持經略示七支念誦隨行法三紙欠。南學。北杜。

唐北天竺沙門大廣智不空譯。

於彼經第七卷中略出。有七呪印。

大日經略攝念誦隨行法三紙餘。亦名五支略攝念誦要行法。南學。北杜。

唐北天竺沙門大廣智不空譯。

有五呪印。

一字佛頂輪王念誦儀軌七紙半。南優。北鍾。

唐北天竺沙門大廣智不空譯。

與一字奇特佛頂經後所附儀軌同。

瑜伽鬘迦訖沙囉烏瑟尼沙斫訖羅真言安怛陀那儀則一字頂輪王瑜伽經五紙半。南竟。北既。

唐北天竺沙門大廣智不空譯。

槩不出呪印。皆指本部及餘部。

金剛頂瑜伽護摩儀軌一卷。南無。北隸。

唐師子國沙門釋智藏釋。

總說五類護摩儀軌不同。一息災。二增益。三降伏。四鈎召。五敬愛。

一字金輪王佛頂要略念誦法三紙半。通諸佛頂。南學北杜。

唐北天竺沙門大廣智不空譯。

內一字輪王根本呪與一字佛頂輪王念誦儀軌中根本呪同。

佛頂尊勝陀羅尼念誦儀軌八紙。南無北葉。

唐北天竺沙門大廣智不空譯。

明結壇等法及四成就法。

阿闍如來念誦供養法十一紙餘。南無北葉。

唐北天竺沙門大廣智不空譯。

初有偈總攝行法後一一別出。

金剛壽命陀羅尼念誦法二紙餘。南學北杜。

唐南天竺沙門金剛智共不空譯。

報身佛從第四禪下須彌頂。一切如來請轉法輪。入忿怒三摩地。流出降三世金剛菩薩。苦治大自在。

天已。次入慈愍大悲三昧耶。說金剛壽命陀羅尼。令摩醯首羅復還得蘇。證得八地。并說持誦之法。

佛說持明藏瑜伽大教尊那菩薩大明成就儀軌經四卷。今作二卷。南風北思。

龍樹菩薩於持明藏略出。

宋中印土沙門法賢譯。

大明成就分第一 觀智成就分第二 造懺像分第三 作曼拏羅法分第四 護摩法分第五 持誦法分第六 即持准提呪法也。

佛說觀想佛母般若波羅密多菩薩經二紙欠 南盡北則。

宋中印土沙門天息災譯。

有呪。有觀門。

聖八千頌般若波羅密多一百八名真實圓義陀羅尼經二紙餘 南思北斯。

宋中印土沙門施護等譯。

說般若一百八名及陀羅尼。

仁王護國般若波羅密多經道場念誦儀軌一卷 有慧靈序 南優北鍾。

唐北天竺沙門大廣智不空譯。

第一明五菩薩現威德分爲五方 第二建立曼荼羅軌儀 第三入道場軌儀分爲十科 第四釋

陀羅尼文字觀行法 第五明陀羅尼觀想布字輪

成就妙法蓮華經王瑜伽觀智儀軌一卷 南學北杜。

唐北天竺沙門大廣智不空譯。

先有歸命二十八品頌。次明欲成就此法者。須具四緣。一親真善知識。二聽聞正法經王。三如理作瑜

伽觀四隨法行修於奢摩他毗鉢舍那

金剛頂蓮華部心念誦儀軌一卷。南無北經。

唐北天竺沙門大廣智不空譯。

先歸命禮普賢。乃至觀身如普賢等。

大樂金剛薩埵修行成就儀軌十二紙。出吉祥勝初教王瑜伽經。南竟北杜。

唐北天竺沙門大廣智不空譯。

爲令菩薩不受勤苦安樂相應。以妙方便速疾成就。故說。

金剛頂瑜伽降三世成就極深法門三紙。南學北杜。

唐北天竺沙門大廣智不空同徧智譯。

摧三世有毒。令即證菩提。

佛說大乘觀想曼拏羅淨諸惡趣經二卷。北作一卷。南薄北止。

宋中印土沙門法賢譯。

理觀事儀皆悉明備。

蘇悉地羯羅供養法三卷。今作二卷。南學北鍾。

唐中印度沙門善無畏譯。

說護身灑身塗地除萎華三摩耶灌頂結髮獻水乃至五淨等。各有真言手印三部。或通或別之不同。

不空羼索心呪王經三卷。北作二卷。南才。北過。

唐迦濕密羅國沙門寶思惟譯。

成就尊者說不空神呪功德分第一 成就受持供養神呪法分第二 成就親見聖觀自在菩薩法分第三 成就畫像幀法分第四 成就使者能辦事法分第五 成就驅策僮僕使者分第六 成就吉祥瓶法分第七 成就策使維利童子分第八 成就使死屍取伏藏分第九 成就入姝女室分第十 成就眼藥分第十一 成就除鬼著病法分第十二 成就入壇法分第十三。有地壇。國壇。民壇三種不同。成就調伏諸龍得自在分第十四 成就見不空羼索王法分第十五 成就見如來法分第十六

不空羼索陀羅尼經二卷。有波密序。南才。北過。

唐北天竺婆羅門李無詔譯。

一十六品。與上經同。末後心印品第十七。沙門慧日翻。續附。總有二十二印法。

瑜伽蓮華部念誦法六紙。欠。南優。北鍾。

唐北天竺沙門大廣智不空譯。

亦觀自在門。

佛說一切佛攝相應大教王經聖觀自在菩薩念誦儀軌經八紙餘。南夙。北止。

宋中印土沙門法賢譯。

遵生極樂

金剛頂瑜伽千手千眼觀自在菩薩修行儀軌經二卷。南無北英。

唐北天竺沙門大廣智不空譯。

中唯白衣大白多羅及根本四呪前五六句。與流通大悲呪略同。

大悲心陀羅尼修行念誦略儀七紙欠。南優北隸。

唐北天竺沙門大廣智不空譯。

不出大悲章句。但云眞言如文。

觀自在菩薩如意輪瑜伽念誦法九紙半。南學北杜。

唐北天竺沙門大廣智不空譯。

先有偈及種種印呪。次誦如意輪根本心隨心三呪。

觀自在如意輪菩薩瑜伽法要十紙。出大部。南行北念。

唐南天竺沙門金剛智譯。

與上瑜伽念誦法同。

觀自在菩薩如意輪念誦儀軌七紙半。南竟北杜。

唐北天竺沙門大廣智不空譯。

最後如意輪根本心中心三呪印。與上二種同。

佛說如意輪蓮華心如來修行觀門儀九紙欠。南學北鍾。

宋中印土沙門慈賢譯。

亦只根本心中心三呪同上。後更有數珠身及解界等五真言。

金剛頂經瑜伽觀自在王如來修行法一卷。南優北鍾。

唐南天竺沙門金剛智譯。

初禮西方本尊。乃至末後常念本尊。無有間斷。

金剛頂經觀自在王如來修行法五紙。南優北鍾。

唐北天竺沙門大廣智不空譯。

與上同。

聖觀自在菩薩心真言瑜伽觀行儀軌五紙。出大毗盧遮那成道經。南竟北藁。

唐北天竺沙門大廣智不空譯。

先觀成本尊聖觀自在菩薩身。修諸呪印。次觀行布字法。令己身與本尊身。如彼鏡像。不一不異。次思惟四字義等。此中所明事理。其文義最精顯可玩。

觀自在多羅瑜伽念誦法九紙餘。南竟北藁。

唐北天竺沙門大廣智不空譯。

此依觀自在多羅菩薩儀軌經所立行法。明印等法。皆七言偈。

普賢金剛薩埵瑜伽念誦儀一卷。南無。北隸。

唐北天竺沙門大廣智不空譯。

明修普賢三昧成普賢身。

金剛頂瑜伽他化自在天理趣會普賢修行念誦儀十一紙。南學。北杜。

唐北天竺沙門大廣智不空譯。

禮四佛。修慈悲喜捨等。顯普賢身智。

金剛頂勝初瑜伽普賢菩薩念誦法經七紙餘。南無。北藁。

唐北天竺沙門大廣智不空譯。

亦先歸命禮普賢。乃至觀身如普賢等。

金剛頂經瑜伽文殊師利菩薩法一品二紙。亦名五字呪法。南無。北隸。

唐北天竺沙門大廣智不空譯。

說五字呪功德及壇法畫像法。

金剛頂超勝三界經說文殊五字真言勝相二紙。南優。北隸。

唐北天竺沙門大廣智不空譯。

阿囉跋左曩。有梵字。有釋義。

大聖曼殊室利童子五字瑜伽法三紙餘。南學。北杜。

唐北天竺沙門大廣智不空譯。

一字真言有二。三字真言有一。五字真言有五。六字真言有六。加持灌頂瓶真言 菩提莊嚴成就
真言 大聖曼殊室利菩薩讚歎 並有梵字前後無文。

五字陀羅尼頌七紙餘。南學北杜。

唐北天竺沙門大廣智不空譯。

略出修行五字真言祕密法。

金剛頂瑜伽經文殊師利菩薩儀軌供養法九紙。南優北頌。

不出譯人名。

先明種種法。最後持五字陀羅尼。

佛說妙吉祥最勝根本大教經三卷。南薄北取。

宋中印土沙門法賢譯。

說持誦燄鬘德迦明王真言儀軌。共有十分。

無能勝大明陀羅尼經七紙半。南學北英。

宋中印土沙門法天譯。

此明能破邪法。能壞魔軍。救護饒益有情。息災消毒。

無能勝大明心陀羅尼經一紙半。南學北英。

宋中印土沙門法天譯。

成就一切吉祥事業。消除衆罪。壽命延長。遠離衆病。

大虛空藏菩薩念誦法四紙。南竟北冀。

唐北天竺沙門大廣智不空譯。

令薄福少德。乏少資具者。修此教法。滅罪生福。成大悲智。世出世間財寶。皆悉獲得。利益一切有情。

大威怒烏芻澀摩儀軌十一紙。南學北杜。

唐北天竺沙門大廣智不空譯。

與經部大威力烏樞瑟摩名同。

甘露軍荼利菩薩供養念誦成就儀軌一卷。南竟北冀。

唐北天竺沙門大廣智不空譯。

明印呪觀門文極精顯。

不動使者陀羅尼祕密法一卷。南無北鑄。

唐南天竺沙門金剛菩提譯。

明使者即遮那化身。能滿種種願。及證無上菩提。

佛說聖寶藏神儀軌經上下全卷。南命北止。

宋中印土沙門法天譯。

明求者得大富。饒益有情。及成就牟尼一切事。

曼殊室利呪藏中校量數珠功德經二紙欠。南才北知。

唐大薦福寺沙門釋義淨譯。

展轉校量。推極於菩提子。并說外道置死子於樹下。得重生事。

佛說校量數珠功德經一紙半。出天息災新譯文殊根本儀軌經中。南才北知。

唐迦濕蜜羅國沙門寶思惟譯。

與上經同。

文殊所說最勝名義經上下合卷。南優北羣。

宋西夏沙門金總持等譯。

此與經部內佛說最勝妙吉祥根本智最上祕密一切名義三摩地分相同。而最初歸命文殊。及金剛手。似即觀彼經以成行法。故仍從彙目入儀軌中。

聖妙吉祥真實名經一卷。南思北澄。

元土藩沙門釋智慧譯。

前有文殊菩薩發菩提心願文中明五智勇識真實名句。後有文殊一百八名讚。又文殊讚。哀請攝受。偈發願偈。六波羅密偈。迴向文呪。

聖救度佛母二十一種禮讚經三紙。南覆北言。

元翰林學士安藏譯。

有二十二像。每像有七言頌四句。後有結偈真言。

佛說一切如來頂輪王一百八名讚經一紙。南履北言。

宋北印土沙門施護譯。

純偈讚。無呪語。而是密宗。

讚揚聖德多羅菩薩一百八名經四紙。欠。南盡北則。

宋中印土沙門天息災譯。

前後皆有偈。持者亦得生極樂。

七佛讚唄伽陀二紙餘。南竭北言。

宋中印土沙門法天譯。

七佛及彌勒并迴向結讚。皆是梵語。

曼殊室利菩薩吉祥伽陀一紙半。南與北言。

宋中印土沙門法賢譯。

純梵語。

曼殊室利菩薩吉祥伽陀一紙餘。南竟北杜。

宋中印土沙門法賢譯。

即上重出。

佛說文殊師利一百八名梵讚三紙半。南深北言。

宋中印土沙門法天譯。

先有偈。次梵讚十九節。

聖金剛手菩薩一百八名梵讚三紙半。南夙北言。

宋中印土沙門法賢譯。

共二十會。純是梵語。

佛說聖觀自在菩薩梵讚二紙欠。南臨北言。

宋中印土沙門法天譯。

共八讚。皆梵語。

聖多羅菩薩梵讚六紙欠。南慶北言。

宋北印土沙門施護譯。

毘椎梵讚七紙半。南深北言。

宋中印土沙門法天譯。

八大靈塔梵讚一紙半。西天戒日王製。南夙北言。

宋中印土沙門法賢譯。

三身梵讀一紙餘。南風北實。

宋中印土沙門法賢譯。

此讚皆純梵語。無華言。

受菩提心戒儀三紙。普賢瑜伽金剛阿闍梨集。南竟北隸。

唐北天竺沙門大廣智不空譯。

先歸命。次供養。次懺悔。次三歸。次受菩提心戒。共五法。有偈頌。長行。兩番明之。偈頌中。五法各有呪。長行後列五佛名。

此以大菩提心受普賢金剛職。爲一切乘密教者受持之本。學者皆應簡閱。

瑜伽集要。餤口施食儀。起教阿難陀緣。由四紙。欠。南淵北漆。

瑜伽集要。餤口施食儀。軌二十四紙。南淵北漆。

二種同卷。總不出撰集及譯人名。恐是此土人所集。非西土本也。

卷第十六

大乘經藏 般若部第二之一

述曰。般若爲諸佛母。三世諸佛。皆從般若得生。故曰。從初得道。乃至泥洹。於其中間。常說般若。當

知一切佛法。無非般若所流出。無非般若所統攝也。然初成頓演。則稱華嚴。漸誘鈍根。則名阿含。對半明滿。則屬方等。開權顯實。則讓法華。扶律談常。則推涅槃。故唯顯示二空。破情立法。或共不共。以般若題名者。乃別成第四部云。

大般若波羅密多經六百卷。有唐太宗三藏聖教序。唐高宗三藏聖教記。沙門玄則大般若經初會序。十六分各有一序。天字至柰字。

唐玉華寺沙門釋玄奘譯。

初分緣起品第一。佛住鷲峰山頂。與千二百苾芻。五百苾芻尼。無量鄔波索迦。鄔波斯迦。無量無數菩薩衆俱。世尊於師子座上。自敷尼師壇。結加趺坐。入等持王妙三摩地。從定而起。觀察十方。從兩足。乃至眉間毫相。一切毛孔。各出六十百千俱胝那庾多光。各照大千世界。乃至十方殑伽沙等諸佛世界。遇斯光者。必得無上菩提。又演常光。出廣長舌。流雜色光。現寶蓮華。華有化佛。皆演般若。聞者必得無上菩提。復入師子游戲等持。令大千界。乃至十方佛刹。六種震動。惡道離苦。生人天中。同來佛會。佛以神力。現本色身。令此大千有情。皆悉覩見。諸天散華。變成華臺。量等大千。此土莊嚴。猶如極樂。又從面門放光。照十方土。令此彼有情。互得相見。東方寶性佛所。普光菩薩。南方無憂德佛所。離憂見菩薩。西方寶燄佛所。行慧菩薩。北方勝帝佛所。勝授菩薩。東北方定象勝德佛所。離塵勇猛菩薩。東南方蓮華勝德佛所。蓮華手菩薩。西南方日輪徧照勝德佛所。日光明菩薩。西北方一寶蓋勝佛所。寶勝菩薩。下方蓮華德佛所。蓮華勝菩薩。上方喜德佛所。喜授菩薩。及一切世界上首菩薩。各奉佛命。以千莖金色。

蓮華寄上佛受此華。還散各方。徧諸佛土。諸華臺中。各有化佛。說大般若。聞者必得無上菩提。爾時此界。如衆蓮華。世界普華。如來淨土。學觀品第二。佛告舍利子。言。菩薩欲於一切法。等覺一切相。當學般若。波羅密多。謂以無住而爲方便。安住般若。所住能住。不可得故。以無捨無護。無取無勤。無思無著。而爲方便。圓滿六波羅密。施者受者。及所施物。不可得。犯無犯相。不可得。動不動相。不可得。身心勤怠。不可得。有味無味。不可得。諸法性相。不可得。復以無所得而爲方便。應圓滿三十七品。三解脫門。四靜慮。四無量。四無色定。八解脫。八勝處。九次第定。十徧處。九想。十隨念。十想。十一智。三三摩地。三無漏根。不淨處觀。徧滿處觀。一切智智。奢摩他。毗鉢舍那。四攝事。四勝住。三明。五眼。六神通。六波羅密。多七聖財。八大士覺。九有情居。智陀羅尼門。三摩地門。十地。十行。十忍。二十增上意樂。如來十力。四無所畏。四無礙解。十八不共法。三十二相。八十隨好。無忘失法。恆住捨性。一切智道。相智。一切相智。一切相微。妙智。大慈。大悲。大喜。大捨。及餘無量。無邊佛法。如是一切。不可得故。舍利子。問。云何修行般若。波羅密多。能如實知。如是六度。由方便善巧故。各互能滿六度。佛言。以無所得而爲方便。能滿六度。又菩薩欲得一切。不可思議功德。皆應學般若。波羅密多。知一切法。皆但有名。不生執著。若五蘊。若十二處。若十八果。若觸。若受。若六界。若四緣。及所生法。若十二支。若六度。若二十空。若三十七品。若三解脫門。若四聖諦。若四靜慮。四無量。四無色定。若八解脫。八勝處。九次第定。十徧處。若陀羅尼門。三摩地門。若極喜等十地。若正觀等十地。若五眼。六通。十力。四無所畏。四無礙解。大慈。悲。喜。捨。十八不共法。若三十二相。八十隨好。若無忘失法。恆住捨性。若一切智。道。相智。一切相智。一切智智。若永拔習氣。若四果。獨覺。若

一切菩薩行。若諸佛無上菩提。以要言之。世出世法。有漏無漏。有爲無爲。十六知見。皆但有名。實不可得。菩薩於名。所名俱無所得。以不觀見。無執著故。如是智慧勝於聲聞智慧。不可比喻。以能成勝事故。聲聞智慧如螢。菩薩智慧如日。從初發心。乃至菩提。常與二乘作真福田。已報諸施主恩。相應品第三。謂與一切蘊處界。乃至無上菩提空相應故。與般若波羅密多相應。亦不見若相應。若不相應等。又於一切諸法。不著有。不著非有。不著常無常。不著樂苦。不著我無我。不著寂靜不寂靜。不著空不空。無相有相。無願有願。又不爲一切法故。修行般若。不見有所修般若。如是善能安立有情於涅槃界。魔不得便。煩惱伏滅。諸佛菩薩。皆共護念。設有罪業。轉現輕受。如是菩薩。不見空與諸如相應。不見諸法與空相應。是爲第一。與空相應。畢竟不起慳貪。犯戒忿恚懈怠散亂惡慧障礙之心。六度任運現前。無間無斷。轉生品第四。舍利子問。安住般若菩薩。從何處沒。來生此間。從此處沒。當生何處。佛爲廣分別答。無量大苾芻衆。以新淨衣獻佛。發無上心。佛爲授菩提記。又有無量有情。願生十方淨土。佛亦授記。讚勝德品第五。舍利子。大目連。大飲光。善現等。同讚菩薩般若。佛印成之。現舌相品第六。佛復現廣長舌。放光照十方土。十方菩薩雲集供養。諸天亦來供養。佛令諸供養具。合成臺蓋。徧覆佛土。百千俱胝那庾多衆。悟無生忍。授記作佛。教誡教授品第七。佛命善現爲菩薩說般若相應法。善現告舍利子。諸佛弟子所說教法。皆承佛威神力。非以自慧辯才力也。因即問佛。何法名爲菩薩。何法名爲般若。佛言。菩薩但有名。般若亦但有名。如是二名。亦但有名。如是假名。不生不滅。不在內外中間。不可得故。譬如我人等十六知見。乃至色等。但是假名。不可得故。菩薩於一切法。名假法假。及教授假。應正修

學。復次不應觀色等若常。若無常。若樂。若苦。若我。若無我。若淨。若不淨。若空。若不空。若有相。若無相。若有願。若無願。若寂靜。若不寂靜。若遠離。若不遠離。若有爲。若無爲。若有漏。若無漏。若生。若滅。若善。若非善。若有罪。若無罪。若有煩惱。若無煩惱。若世間。若出世間。若雜染。若清淨。若屬生死。若屬涅槃。若在內。若在外。若在兩間。若可得。若不可得。菩薩於一切法。住無分別。能修六度。能住二十空。及眞如等。能修三十七品。能住四聖諦。能修十二門禪。乃至三脫十地。及三智等。不見菩薩及菩薩名。不見般若及般若名。唯正勤求一切智智。何以故。於一切法。善達實相。了知其中無染淨故。復次於名假施設。法假施設。如實覺已。不著色等。乃至不著方便善巧。以一切法。皆無所有。能著所著。著處著時。不可得故。次問善現。卽色等是菩薩不。異色等是菩薩不。色等中有菩薩不。菩薩中有色等不。離色等有菩薩不。善現一一答云。不也。又問。汝觀何義。言卽色等非菩薩。乃至非離色等有菩薩耶。善現一一答言。若菩提。若薩埵。若色等。尙畢竟不可得。性非有故。况有菩薩。此旣非有。如何可言卽色等是菩薩云云。佛讚卽之。又問。卽色等眞如是菩薩不。乃至離色等眞如有菩薩不。善現一一答言。不也。又問。汝觀何義。言卽色等眞如非菩薩。乃至非離色等眞如有菩薩耶。善現一一答言。若色等尙畢竟不可得。性非有故。况有等眞如。此眞如旣非有。如何可言卽色等眞如是菩薩云云。佛讚卽之。又問。卽色等增語。色等常無常等增語。是菩薩不。善現一一答言。不也。又問。汝觀何義。言卽色等增語非菩薩。乃至卽色等若可得。若不可得。增語非菩薩耶。善現一一答言。若色等若色等常無常。乃至不可得。不可得等。尙畢竟不可得。性非有故。况有色等。乃至不可得。不可得等增語。此增語旣非有。如何可言卽色等增語。乃至卽色等若

可得若不可得增語。是菩薩。佛讚印之。次明諸法不見諸法。諸法不見法界。法界不見諸法。法界不見法界。乃至非離有爲施設無爲。非離無爲施設有爲。於一切法都無所見。其心不驚。不怖。於一切法。心不沈沒。亦不憂悔。勸學品第八。善現白佛言。菩薩欲滿六度。欲徧知一切法。欲永斷一切惡法。欲修習一切善法。欲得一切佛法。欲滿一切有情心願。欲滿殊勝善根。當學般若。舍利子問。菩薩頂墮。答言。無方便善巧。住三解脫而起想著。是爲順道法愛。如宿食生。能爲過患。若於二十空門。不見不得。若作是觀。名入菩薩正性離生。又於一切法。及一切名。皆應知不應著。是心非心。本性淨故。與一切法非相應。非不相應。無變異。無分別。舍利子問。如心無變異。無分別。色等一切法。亦無變異。無分別耶。善現一一答言。如是。舍利子讚言。欲學聲聞地。獨覺地。菩薩地。如來地者。皆當於般若聽習讀誦受持。如理思惟。令其究竟。何以故。般若廣說開示三乘法故。菩薩若學般若。則爲徧學三乘。亦於三乘法皆得善巧。無住品第九。善現白佛。我於諸法。不得不見。若集若散。諸法名義。旣無所有。故色等名皆無所住。亦非不住。云何令我以般若相應法。教誡教授諸菩薩。必當有悔。諸法因緣和合。施設假名。於蘊處界。乃至佛菩薩聲聞僧等。皆不可說。又一切若有名。若無名。皆無處可說。若菩薩聞時。心不沈沒。憂悔不驚。不恐。不怖。當知已住不退地。以無所住方便而住。又修行般若菩薩。不應住色。不應住受。想行識等。何以故。色。色性空。受。想行識。受。想行識性空。是色非色空。是色空非色。色不離空。空不離色。色即是空。空即是色。受。想行識。乃至一切陀羅尼門。一切三摩地門。亦如是。故不應住。若菩薩無方便善巧。我所執所纏擾。故心住色等。於色等作加行故。不能攝受。修行圓滿般若波羅密多。不能成辦一切智。

相。是故色等一切法。皆不應攝受。既不應攝受。便非色等一切法。所以者何。本性空故。其所攝受。修行圓滿。般若波羅密多。亦不應攝受。既不應攝受。便非般若波羅密多。本性空故。菩薩應以本性空。觀一切法。作此觀時。於一切法。心無行處。是名無所攝受。三摩地。此三摩地。微妙殊勝。廣大無量。能集無邊。無礙作用。其所成辦一切相智。亦不應攝受。既不應攝受。便非一切相智。以內空故。乃至無性自性空。故。是一切相智。非取相修得。諸取相者。皆是煩惱。勝軍梵志。由勝解力。於一切法。不取不捨。實相法中。無取捨故。菩薩於一切法。無所取著。能從此岸到彼岸故。若於諸法。少有取著。則於彼岸。非爲能到。雖無所取。而以本願。不於中間。而般涅槃。雖圓滿一切佛法。亦不見一切佛法。以一切法。非法非非法故。於一切法。雖無所取。而能成辦一切事業。般若行相品第十。善現白佛。菩薩修行般若。審諦觀察。若法無所有。不可得。是爲般若。於無所有。不可得中。何所徵責。舍利子問。何法爲無所有。不可得耶。善現言。謂般若等六度。無所有。不可得。由內空故。乃至無性自性空故。又蘊處界觸受等。乃至菩薩法。如來法。若常若無常。乃至若內。若外。若兩間。一一皆爾。菩薩審諦觀察一切法。皆無所有。不可得時。心不沈沒。憂悔不驚恐怖。當知能於般若。常不捨離。以如實知一切法。離一切法自性故。舍利子問。何者是般若自性。乃至一切法自性。善現答言。無性是般若自性。乃至無性。是一切法自性。又般若離般若相。乃至一切法離一切法相。自性亦離自性。相亦離相。自性亦離相。相亦離自性。自性相亦離相。自性相自性亦離自性相。舍利子言。菩薩於此中學。則能成辦一切相智。善現言。如是如是。知一切法無生無成辦故。舍利子言。何因緣故。一切法無生無成辦。善現言。色等空故。色等生成辦。不可得。菩薩作如是學。

便近一切相智。得身語意清淨。得相清淨。不墮胎生。不生惡趣。乃至菩提。常不離佛。善現白佛。若菩薩無方便善巧。若行色。若行色相。非行般若。若行色常無常等。若行色常無常相等。非行般若。廣說一切法亦如是。乃至若作是念。我行般若。我是菩薩。彼行般若。彼是菩薩。皆是有所得行相。非行般若。又語舍利子。若於色住想勝解。便於色作加行。由加行故。不能解脫。主老病死。及當來苦。乃至於獨覺菩薩如來。及於彼法亦如是。是名無方便善巧。若有方便善巧。不行色。不行色相。不行色常無常等。不行色常無常相等。乃至一切法亦如是。於一切法。不取有。不取非有。不取亦有。非有。不取非有。於亦不行。不取亦不行。於一切法。自性不可得。以無性爲自性故。於般若波羅密多。不取行。不取不行。不取亦行。不取亦不行。於不取亦不取。由般若自性不可得。以無性爲自性故。是名於一切法無所取著。三摩地。恆住不捨。速證無上菩提。更有健行三摩地等。略舉一百五十七名。復有無量無數三摩地門。陀羅尼門。若善修學。亦令速證菩提。菩薩雖住諸三摩地。而不見不著。亦不念我已入。今入。當入。唯我能入。非餘所能。如是尋思分別。皆不現行。以無所有中。分別想解無由起故。佛讚印之。兼勸菩薩應如是學。舍利子問。此爲正學般若。乃至正學一切相智耶。佛言。如是。又問。以無所得爲方便。爲何等法不可得耶。佛言。我不可得。畢竟淨故。有情命者等。乃至如來不可得。畢竟淨故。諸法不出不生。不沒不盡。無染無淨。無得無爲。是名畢竟淨義。如是學時。於一切法。都無所學。若於無所有法。不能了達。說名無明。由無明及愛勢力。分別執著斷常二邊。不知不見諸法。無所有性。墮於愚夫異生數中。不能出離三界。不能成辦三乘。不能信受一切法空。不能住於三十七品六度等法。是故欲學般若。欲成辦一

切智道相智一切相智。當以無所得爲方便。如應而學。譬喻品第十一。善現與如來問答。明一切法不異幻。幻不異一切法。一切法即幻。幻即一切法。若無方便善巧。不爲善友之所攝受。聞說甚深般若。其心有驚恐怖。若以應一切智智心。觀一切法常無常相等不可得。是有方便善巧。其心不驚恐怖。次明善友之相。雖說一切法不可得。而勸依此法勤修善根。不令迴向二乘。唯令證得一切智智。若離應一切智智心。於修一切法有所得有所恃。以有所得爲方便故。聞說甚深般若。有驚恐怖。次明惡友之相。若教厭離般若等相應法。若不爲說魔事魔過。是名惡友。應速遠離。菩薩品第十二。善現白佛。菩薩是何句義。佛言。菩提不生。薩埵非有。故無句義。是菩薩句義。如空中鳥跡句義。幻事等句義。真如等句義。又如幻土色相等句義。如來色相等句義。常知一切句義。無所有不可得。菩薩句義亦如是。菩薩於一切法皆無所有。無礙。無著。應學。應知。次爲善現分別解釋善法。非善法。有記法。無記法。世間法。出世間法。有漏法。無漏法。有爲法。無爲法。共法。不共法。菩薩於如是自相空法。不應執著。應以無二而爲方便。覺一切法。以一切法無動相故。摩訶薩品第十三。佛答善現。發金剛喻心。發殊勝廣大心。發不可傾動心。發利益安樂心。愛法。樂法。欣法。喜法。以無所得而爲方便。亦不恃而生憍舉。故於大有情衆。定爲上首。又以無所得而爲方便。安住二十空。四靜慮等。故於大有情衆。定爲上首。舍利子。善現。滿慈子。亦各廣說摩訶薩義。大乘鎧品第十四。佛答善現。菩薩擐大乘鎧。謂六度。十二禪。三十七品。二十空。五眼。六通。十力。無畏。無礙。大慈悲喜捨。十八不共法。三智。身相諸功德等。擐如是鎧。放光徧照。令諸世界六三變動。息三途苦。爲讚三寶。令生天人。覲佛稟法。猶如幻師。雖有所爲而無一實。諸法性空。

皆如幻故。善現白佛。不擐功德鎧。是爲擐大乘鎧。以一切法自相空故。佛言。如是。當知一切智智。無造無作。一切有情。亦無造無作。菩薩爲是事故。擐大乘鎧。由諸作者不可得故。我非造非不造。非作非不作。我畢竟不可得故。廣說乃至一切法皆爾。善現白佛。如我解佛所說義。一切諸法。性無所有。性遠離。性寂靜。性空。性無相。性無願。性無生。性無滅。性無染。性無淨。故皆無縛無解。滿慈子問。何等色。受。想。行。識。無縛無解。善現答言。如幻。如夢。如像。如響。如光影。如空華。如陽燄。如尋香城。如變化事。色等。無縛無解。以性無所有。乃至性無淨。故。又過去未來現在色等。善不善。無記。有染無染。有罪無罪。有漏無漏。雜染清淨。世出世間色等。皆無縛無解。以性無所有。乃至性無淨。故。廣說一切法亦如是。菩薩於是無縛無解。法門。以無所得而爲方便。應如實知。應勤修學。應住無縛無解一切相智。應成熟無縛無解有情。應嚴淨無縛無解佛土。應親近供養無縛無解諸佛。應聽受無縛無解法門。辯大乘品第十五。善現白佛。云何知菩薩大乘相。云何知發趣大乘。如是大乘。從何處出。至何處住。如是大乘。爲何所住。誰乘大乘而出。佛言。六度是大乘相。發應一切智智心。大悲爲上首。以無所得而爲方便。修行施等。持此善根。與一切有情。迴向無上菩提。又大乘相者。謂二十空。一百五十七三摩地。三十七品。空無相無願三三摩地。十一智。三無漏根。有尋等三三摩地。十隨念。四靜慮。四無量。四無色。定。八解脫。八勝處。九次第定。十徧處。佛十力。四無所畏。四無礙解。大慈。悲。喜。捨。五眼。六通。三智。十八不共法。四十二字。陀羅尼門。多有細釋。從一地趣一地。是爲發趣大乘。初地修治十種勝業。二地思惟修習八法。三地應住五法。四地應住十法。五地遠離十法。六地圓滿六法。應遠六法。七地離二十法。滿二十法。八地應滿四法。九

地應滿四法。十地滿十二法。各有微釋。如是大乘從三界中出。至一切智智中住。然無二故。無出無至。非已出已至。非當出當至。非今出今至。無相之法。無動轉故。如是大乘都無所住。諸法住處不可得故。然此大乘住無所住。如一切法非住非不住。大乘亦爾。若所乘乘。若能乘者。由此爲此。所出所至。及出至時。如是一切皆無所有。都不可得。以一切法畢竟淨故。非已可得。非當可得。非現可得。如是菩薩修行般若。雖觀一切法皆無所有。不可得。畢竟淨故。無乘大乘而出至者。然以無所得爲方便。乘於大乘。出三界生死。至一切智智。利益安樂。一切有情。窮未來際。常無斷盡。讚大乘品第十六。善現略讚。如來廣讚。菩薩住此三世平等相中。精勤修學一切智智。無取著故。速得圓滿。菩薩安住如是大乘相中。超勝一切世間。隨順品第十七。滿慈子問。如來令善現宣般若。而今何故乃說大乘。佛言。一切善法。無不攝入般若。若大乘若般若。其性無二。無二分故。無所得品第十八。善現白佛。三際菩薩不可得。色等無邊故。菩薩亦無邊。即色等菩薩無所有不可得。離色等菩薩無所有不可得。我於一切法。以一切種一切時。求菩薩都無所見。竟不可得。云何令我以般若教誡教授諸菩薩。世尊。菩薩但有假名。如說我等。畢竟不生。諸法亦爾。都無自性。世尊。色等諸法若畢竟不生。則不名色等。我豈能以畢竟不生般若教誡教授。畢竟不生諸菩薩。世尊。離畢竟不生。亦無菩薩能行無上菩提。若菩薩聞作是說。其心不驚恐怖。不沈沒憂悔。當知能行般若。舍利子問。善現。何緣故作是說。善現廣答釋之。觀行品第十九。善現白佛。菩薩修行般若。觀諸法時。於色等不受不取不執不著。亦不施設爲色等。又修行般若時。不見色等。以色等性空。無生滅故。又色等不生。則非色等。色等與不生。無二無二分。以不生法。非一非

二。非多非異故。色等不滅亦爾。又色等不二。則非色等。又色等皆入不二無妄法數。舍利子問。何謂菩薩。何謂般若。何謂觀諸法。善現答言。爲有情類求大菩提。亦有菩提。故名菩薩。能如實知一切法相。而不執著。故復名摩訶薩。所謂如實知色相等而不執著。有勝妙慧。於一切煩惱見趣。一切六趣四生。一切蘊處界等。而得遠離。有勝妙慧。於色等實性而得遠到。故名般若。波羅密多。觀色等非常非無常。非樂非苦。非我非無我。非淨非不淨。非空非不空。非有相非無相。非有願非無願。非寂靜非不寂靜。非遠離非不遠離。是謂觀諸法。舍利子問。何緣故說色等不生。則非色等。善現答言。色等。色等性空。此性空中。無生無色等。故說色等不生。則非色等。問。答。色等不滅亦爾。又問。何緣故說色等不二。則非色等。答。若色等若不二。如是一切。皆非相應。非不相應。非有色非無色。非有見非無見。非有對非無對。咸同一相。所謂無相。故說色等不二。則非色等。又問。何緣故說色等入不二無妄法數。答。色等不異。無生滅。無生滅。不異色等。色等即是無生滅。無生滅即是色等。故說色等入不二無妄法數。無生品第二十善現白佛。菩薩修行般若。觀諸法時。見我等無生。畢竟淨故。見色等無生。乃至見如來法。無生畢竟淨故。舍利子問。若如是者。六趣受生。應無差別。又若一切法定。無生者。何緣爲預流果。修斷三結。乃至何緣諸佛爲有情。故轉妙法輪。善現答言。非於無生法中。見有六趣受生差別。乃至非於無生法中。見有諸佛證無上菩提。轉妙法輪。度無量衆。又但隨世間言說施設。有得有現觀。非勝義中有得有現觀。乃至六趣差別。亦隨世間言說施設。故有非勝義也。色等是不生法。我不欲令生。以自性空故。又色等是已生法。我不欲令生。以自性空故。生與不生。俱非相應。非不相應。乃至非有對非無對。咸同一相。所謂

無相。故我不欲令生生亦不欲令不生。生乃至於不生。法起不生。言此不生。言亦不生。以色等皆本性空。故諸佛弟子能隨問答。以一切法無所依。故色等本性空。依內依外。依兩中間。不可得。故淨道品第二十一。善現謂舍利子。菩薩修行六度。應淨色等。乃至應淨一切相智。應淨菩提道。具明六度各有二種。一者世間。二出世間。以有所得爲方便。著三輪而行。施等名爲世間。三輪清淨。以大悲爲上首。所修施等。普施有情。於諸有情。都無所得。雖與一切有情同共。迴向無上菩提。而於其中。不見少相。由都無所執而行。施等名出世間。波羅密多。又二十空真如等。四諦六度。四靜慮等。八解脫等。四念住等。乃至一切相智。名菩提道。如是功德。皆由般若勢力所致。如是般若。能與一切善法爲母。一切三乘善法。從此生。故如是般若。普能攝受一切善法。一切三乘善法。依此住。故若菩薩聞說般若。心無疑惑。亦不迷悶。當知住如是住。不離大悲作意。以有情等非有。故作意亦非有。有情等無實。故無自性。故空。故遠離。故寂靜。故無覺。知。故作意亦無實。乃至無覺。知。佛讚印之。大千六種轉變。如來微笑明益。天帝品第二十二。諸天來會。帝釋問言。何者是菩薩般若。云何應住。云何應學。善現答言。以應一切智。智。心。用。無所得爲方便。思惟蘊處界。觸受六大。十二因緣。皆無常苦無我。不淨。空。無相。無願。寂靜。遠離。如病。如癰。如箭。如瘡。熱惱逼切。敗壞衰朽。變動速滅。可畏可厭。有災有橫。有疫有癘。性不安隱。不可保信。無生無滅。無染無淨。無作無爲。是爲般若。復次。以應一切智。智。心。用。無所得爲方便。觀察二十空真如等。無我我所。無相。無願。寂靜。遠離。無生無滅。無染無淨。無作無爲。是爲般若。復次。以應一切智。智。心。用。無所得爲方便。行六度十二禪。乃至修一切相智。是爲般若。復次。作如是觀。唯有諸法。互相緣藉。滋潤增長。

徧滿充溢。無我所。雖觀諸法。而於諸法都無所見。佛讚印之。善現又答。色等。色等性空。菩薩。菩薩性空。若色等性空。若菩薩性空。如是一切。皆無二無二分。菩薩於般若。應如是住。不應住色等。不應住此是色等。不應住色等。若常若無常。乃至若有願若無願。以有所得爲方便故。又不應住預流等。是無爲相。是福田。不應住初地等殊勝事。不應住我當圓滿六度十二禪。乃至我當成辦三十二相八十隨好等。又不應住願我當得淨佛土中。無一切法名聲。以有所得爲方便故。一切如來得菩提時。覺一切法都無所有。名字音聲。皆不可得。舍利子。作是念。若菩薩於一切法不應住者。云何應住般若。善現謂曰。諸如來心。爲何所住。舍利子言。諸佛之心。都無所住。以色等不可得故。如來之心。於一切法都無所住。亦非不住。善現謂言。菩薩雖住般若。而同如來。於一切法都無所住。亦非不住。以色等無二相故。以無所得而爲方便。應如是學。

卷第十七

大乘經藏 般若部第三之二

諸天子品第二十三。有諸天子竊作是念。諸藥叉等言辭呪句。雖復隱密。而尙可知。尊者於此般若。雖以種種言辭顯示。而我等輩竟不能解。善現告言。我曾於此不說一字。汝亦不聞。當何所解。何以故。甚深般若。文字言說皆遠離故。由此於中說者。聽者。及能解者。皆不可得。如來所證無上菩提。其相甚深。

亦復如是。如化如夢如響如幻。時諸天子復作是念。尊者雖復方便顯說。欲令易解。而其意趣甚深。轉甚深。微細更微細。善現告言。色等非甚深。非微細。色等深細。性不可得。故諸天子復作是念。尊者所說法中。不施設色等。色性等不可說。故亦不施設文字語言。文字語言性不可說。故善現告言。如是如是。應住無說無聽。無解甚深般若。常勤修學。不應捨離。乃至我今欲爲如幻如化。如夢有情。說如幻化。夢法。設更有法勝涅槃者。我亦說爲如幻化。夢所見。所以者何。幻化夢事。與一切法。乃至涅槃。皆悉無二無二分。故受教品第二十四。舍利子等。同聲問善現曰。所說般若如是甚深。誰能信受。善現答言。菩薩住不退地。能深信受。已見聖諦。及漏盡羅漢。亦能信受。已於多佛植衆善本。諸善知識所攝受者。亦能信受。如是人等。終不以空不空分別色等。亦不以色等分別空空。有相無相。有願無願。生不生滅。不滅寂靜。不寂靜。遠離不遠離。以對色等。廣說亦如是。舍利子問。豈不於此般若甚深教中。廣說三乘法等。善現答言。誠如所說。如是深教。諸有所說。以無所得而爲方便。謂於我有情等。色等處等。乃至有爲界。無爲界。以無所得而爲方便。又問。何因緣。故答言。由內空。故由外空。乃至無性自性空。故散花品第二十五。諸天化花散供。佛力合成花臺。覆大千界。善現念言。非草木水陸所生。從心化出。天帝釋言。亦不從心實能化出。但變現耳。善現言。是花不生。則非花也。帝釋問。爲但是花不生。爲餘法亦爾。善現答。色亦不生。則非色。乃至無上乘。亦不生。則非無上乘。以不生法。離諸戲論。不可施設爲色等。故學般若品第二十六。帝釋心念。尊者智慧甚深。不壞假名。而說法性。佛使印言。色等但假名。如是假名。不離法性。善現不壞如是色等假名。而說色等法性。以色等法性。無壞無不壞。故善現所說。亦無壞。

無不壞。善現語帝釋言。菩薩知一切法。但假名已。應學般若。如是學時。不於色等學。不見色等。可於中學。帝釋問言。何緣不見色等。善現答言。色等。色等性空。故菩薩不見色等。不見色等。故不於色等學。何以故。不可色等。空見色等。空。不可色等。空於色等。空學。故若菩薩不於空學。是菩薩爲於空學。無二分故。不於色等。空學。爲於色等。空學。無二分故。若於色等。空學。無二分故。是能於布施等學。是能於內空等學。是能於真如等學。乃至是能於三乘學。何以故。無二分故。若能於布施等學。無二分故。是能學無量無數無邊不可思議清淨佛法。何以故。無二分故。若能學無量清淨佛法。是不爲色等。增減。故學。以色等。無二分故。舍利子問。不爲色等。攝受壞滅。故學耶。善現答言。如是如是。舍利子問。何緣不爲色等。攝受壞滅。故學。善現答言。不見有色等。是可攝受。及所壞滅。亦不見有能攝受色等。及壞滅者。以色等。若能若所。內外俱空。不可得。故若菩薩於色等。乃至於無上乘。不見是可攝受。及可壞滅。亦不見有能攝受。及壞滅者。而學般若。是菩薩能成辦一切智智。是不見色等。若生若滅。若取若捨。若染若淨。若集若散。若增若減。以色性等。空無所有。不可得。故是菩薩於一切法。不見若生若滅等。而學般若。則能成辦一切智智。以無所學。無所成辦。爲方便故。求般若品第二十七。帝釋問舍利子。菩薩所行般若。當於何求。舍利子言。當於善現所說中求。帝釋問善現言。舍利子所說。是誰神力。誰爲依處。善現報言。是如來神力。如來爲依處。帝釋言。一切法無依處。如何可言。如來爲依處。善現答言。如是如是。如來非所依處。亦無所依。但隨順世俗。施設說爲依處。非離無依處。如來可得。非離無依處。真如。如來可得。非離無依處。法性。如來可得。非離

若亦無邊。以色等若中若邊皆不可得故。又一切智智所緣無邊故。般若亦無邊。法界無邊故。所緣亦無邊。所緣無邊故。真如亦無邊。法界所緣真如所緣無邊故。法界亦無邊。真如無邊故。所緣亦無邊。所緣無邊故。真如亦無邊。法界所緣真如所緣無邊故。般若亦無邊。又有情無邊故。般若亦無邊。以諸有情本性淨故。彼從本來無所有故。攝受品第二十九。天仙三返唱善。若有菩薩於此般若能如說行。不遠離者。我等於彼敬事如佛。如是甚深教中。無色等法可得。而有施設三乘之教。佛讚印之。廣明非即布施等。如來可得非離布施等。如來可得。若菩薩以無所得爲方便。於一切法能勤修學。便得不離一切佛法。如我於然燈佛時。便得受記。天仙讚言。如是般若甚爲希有。令諸菩薩速能攝取一切智智。謂於色等不取不捨爲方便故。世尊照知四乘諸天。同爲明證。願命帝釋。若有不離一切智智心。以無所得爲方便。於此般若受持讀誦。精勤修習。如理思惟。爲他演說。廣令流布。魔不得便。以善住色等空無相無願。不可以空而得空便。不可無相得無相便。不可無願得無願便。以色等自性皆空。能惱所惱。及惱害事。不可得故。又人及非人。無能惱害。由是人以無所得爲方便。於一切有情善修慈悲喜捨心故。又不橫爲諸險惡緣所害。亦不橫死。以修行布施。於諸有情正安養故。又不怖畏驚恐毛豎。以善修內空等故。於是諸天發願恭敬擁護。以由是菩薩。令諸有情斷四惡趣。離一切苦。由是菩薩。便有十善四禪等一切善法。由是菩薩。便有人天三乘勝果。佛讚印之。較量供養。一初發心功德。展轉乃至供養十方二乘聖衆。所不能及。帝釋復歎受持般若功能。復歎攝受般若。則爲攝受一切善法。佛印述之。并示現法後法功德。勝利。若有魔外惡慢。暫聞般若聲故。衆惡漸滅。功德漸生。如莫耆妙藥。能消蛇毒。及般若能滅貪等惡法。增彼對治。乃至能滅

般涅槃。取增彼對治。如是能滅一切魔所住法。及能生長一切善事。以無所得爲方便故。是菩薩自離十惡。教他離十惡。讚說離十惡法。歡喜讚歎離十惡者。自行施等。教他行施等。讚說施等法。歡喜讚歎行施等者。是菩薩行六度時。所行施等。以無所得爲方便。與一切有情同共迴向無上菩提。常作是念。我不應隨慳貪破戒等勢力。若隨彼力。則施戒等不得圓滿。終不能成一切智智。帝釋歎言。如是般若甚爲希有。調伏菩薩。令不高心。而能迴向一切智智。謂世間施等。無方便善巧。遂起高心。不能迴向一切智智。我所執擾亂心故。若出世間施等。善修般若。故不得三輪。能如實調伏高心。亦能如實迴向一切智智。佛告帝釋。念誦般若。不爲刀仗所傷。以自除貪等刀仗。亦能除他貪等刀仗。故毒不能害。水不能溺。火不能燒。邪不能傷。以是般若。是大神呪。大明呪。無上呪。無等等呪。一切呪王。是人精勤修學。如是呪王。不爲自害。不爲害他。不爲俱害。所以者何。了自他俱。皆不可得。所謂不得色等。乃至不得無上乘。是人學此般若。若大呪王時。於我及法。雖無所得。而證無上菩提。觀有情人行差別。隨宜爲轉無上法輪。令如說行。皆獲饒益。三世菩薩皆爾。此大呪王。諸天守護。不令有留難者。較量功德品第三。十帝釋問書經福聚。供設利羅福聚。何者爲多。佛言。我於般若修學。得一切智智。及相好身。不以獲相好身。說名如來。但一切智智。說名如來。一切智智。及相好身。并設利羅。皆以般若爲根本故。是故書經福多。以一切善法。皆從般若而出生故。又十方有情。發心定趣。無上菩提。而由遠離甚深般若。方便善巧。多分退墮二乘地中。若欲住不退轉地。速證無上菩提。應於般若數數聽聞。受持讀誦。精勤修習。如理思惟。好請問師。樂爲他說。書寫供養。又於餘攝入般若諸勝善法。亦應聽聞。乃至樂爲他說。所謂

五度。二十空。乃至三智等。又隨順般若蘊處界等無量法門。亦應聽受思惟。不應非毀。令於菩提而作留難。以諸如來。昔皆修學如是等無量法門。證得無上菩提。如是等法。是三乘真實法印。是一切聖凡利益安樂所依處故。帝釋問持經福。佛展轉較答。以此般若在瞻部洲人中住。則三寶皆住不滅。則世間常有十善六度等一切善法。則世間常有人天三乘等一切勝果。於是欲色諸天。同白帝釋勸令受持讚誦。精勤修學。如理思惟。供養恭敬。尊重讚歎。如是般若。能令惡法損減。善法增益。普攝一切三乘法故。佛告帝釋。依因般若大呪王故。一切勝因勝果。出現世間。復次依因般若。故有菩薩。依因菩薩。故一切勝因勝果顯現。譬如依因滿月輪故。一切藥物星辰山海皆得增明。若如來未出世時。唯菩薩具方便善巧。為諸有情。無倒宣說世出世法。當知菩薩能出生五乘。而菩薩所有方便善巧。皆從是般若生長。若於此般若聽受。乃至流布。成就現在未來功德勝利。爾時外道為求佛過。來詣佛所。帝釋念誦般若。外道退還。惡魔化作四兵。來詣佛所。帝釋念誦般若。惡魔退還。諸天化供。願此般若人中久住。慶喜問佛。何緣不廣稱讚施等。但廣稱讚般若。佛言。由此般若與彼一切善法為尊為導。若不迴向一切智智而修施等。不名真修施等。故我但讚般若。慶喜又問。云何迴向一切智智。佛言。以無二為方便。無生為方便。無所得為方便。修習施等。是名迴向一切智智。慶喜又問。以何無二無生無所得為方便。佛言。以色等無二無生無所得為方便。迴向一切智智。修習施等。慶喜又問。云何以色等無二無生無所得為方便。迴向一切智智。修習施等。佛言。色等色等性空。以色等性空。與布施等無二無二分故。由此故說以色等無二無生無所得為方便。修習施等。慶喜當知。由此般若故。能迴向一切智智。復由迴向

一切智。智能令修習。施等得至究竟。故此般若於彼施等爲尊爲導。譬如大地。以種散中。衆緣和合。則得生長。應知大地與種生長爲所依止。爲能建立。如是般若及所迴向一切智。智與施等一切善法爲所依止。爲能建立。故此般若與彼施等爲尊爲導。帝釋更廣說般若功德。佛更廣說般若功德。若此般若隨所在處。周而除去諸不淨物。掃拭塗治。香水散灑。敷設寶座而安置之。燒香散華。莊嚴供養。便有威德。天龍來觀禮讚。歡喜護念。是人身心安樂。寢得善夢。不貪四事。因問帝釋。佛設利羅。及此般若。汝取何者。帝釋白佛。寧取般若。舍利子言。般若無色無見無對一相。所謂無相。汝云何取。帝釋言。若於般若能如是知。是爲真取般若。亦真修行般若。以不隨二行無二相故。前五度亦不隨二行無二相故。佛讚印之。帝釋又更廣讚。乃至若無般若。施等不能到彼岸故。譬如無價大寶神珠。又若欲得常見一切如來法身。身智慧身等。當於般若供養。乃至流布。若修般若。應以法性於諸如來。修隨佛念。法性有二。如實知我智有情智等。無量門智皆名有爲法性。一切法無生無滅等無性自性皆名無爲法性。佛言。三世三乘皆因般若得果。如是般若祕藏中。廣說三乘相應法故。然此所說。以無所得爲方便故。無性無相爲方便故。無生無滅爲方便故。無染無淨爲方便故。無造無作爲方便故。無入無出爲方便故。無增無減爲方便故。無取無捨爲方便故。如是所說。由世俗故。非勝義故。如是般若。非般若。非般若。若乃至非境界非智。不與三乘法不捨異生法。帝釋白佛。如是般若。是大波羅密多。是無上波羅密多。是無等等波羅密多。雖知一切有情心行境界差別。而不得我等不得色等。乃至不得三藐三佛陀法。以能得所得。及二依處。性相皆空。不可得故。佛言。菩薩以無所得爲方便。具行六度。由甚深般若爲尊爲

導。修習施等。無所執著。速得圓滿。又於色等一切法。以無所得爲方便。修習般若。由此因緣。無所執著。令所修習。速得圓滿。如瞻部洲諸樹。枝莖花葉菓實。雖有種種形色不同。影無差別。如是施等。雖各有異。而由般若攝受。迴向一切智智。以無所得爲方便。故亦無差別。次較量書寫供養功德。不若書寫施他功德。次明佛成道已。還依此法而住。供養恭敬。尊重讚歎。况欲求無上菩提者。而不至心歸依。甚深般若。次更展轉較量福多。乃至教化十方一切世界有情。皆學四禪四等四定五通。不如書寫般若。施他流布。以此祕密藏中廣說施等一切無漏之法。三乘種性修學此法。各速獲果證。故又教化一切有情。皆修四禪。乃至五通。不免三惡。不如教一有情。住預流果。教化一切有情。令住四果。不如教一有情。安住獨覺菩提。教化一切有情。皆住獨覺。不如教一有情。趨無上覺。則令世間佛眼不斷。由有菩薩。便有三乘三寶。由此般若祕密藏中所說法。故便有世出世間善果善因。施設可得。若於般若。如理思惟。所獲福聚。勝於教化一切有情。住五神通。如理思惟者。謂以非二非不二行覺。於此般若。及六度二十空等。如理思惟。又若於此般若。以無量門廣爲他說。宣示開演。顯了解釋。分別義趣。令其易解。勝自受持。讀誦如理思惟功德。所言般若義趣者。非二非不二。非有相非無相。乃至非實際非非實際。如是義趣。有無量門。若能廣教他。令易解者。勝自受持功德無量倍數。帝釋白言。諸善男子。善女人等。應以種種巧妙文義。宣說開示。如是般若。佛讚印之。次明有所得而爲方便。但名施等。不名波羅密多。無所得爲方便。能滿六種波羅密多。若說相似般若。乃至相似布施。初心聞者。心便迷謬。失於中道。是故應以無所得慧。及以種種巧妙文義。爲發無上菩提心者。宣說六度。若說有所得六度。名說相似六度。若說

色等若常若無常。若樂若苦。若我若無我。若淨若不淨。復說行般若者。應求色等若常若無常等。若人如是求色等若常若無常等。皆是說有所得相似般若。廣說靜慮。乃至布施亦爾。又凡以有相爲方便。有所得爲方便。及時分想。教他修學六度。乃至隨喜迴向。皆是說相似法。若說無所得六度。是名宣說眞正六度。作如是言。汝應修般若。不應觀色等若常若無常。何以故。色等色等自性空。是色等自性。即非自性。若非自性。即是般若。於此般若。色等不可得。彼常無常亦不可得。所以者何。此中尙無色等可得。何況有彼常與無常。汝若能修如是般若。是修般若。波羅密多。若樂若苦。若我若無我。若淨若不淨。亦如是說。是爲宣說眞正般若。廣說靜慮。乃至布施亦爾。又言。汝修學時。勿觀諸法有少可住。可超可入。可得可證。可受持等。所獲功德。及可隨喜迴向菩提。何以故。於此般若。乃至布施波羅密多。畢竟無有少法可住。可超入等。以一切法自性皆空。都無所有。若無所有。即是般若。乃至布施波羅密多。於此般若等。畢竟無少法有入有出。有生有滅。有斷有常。有一有異。有來有去。而可得者。作此等說。是說眞正般若。乃至布施波羅密多。次又廣較福德。乃至若十方一切有情。皆於無上菩提得不退轉。有人於此般若。以無量門巧妙文義。爲他廣說。令其易解。復作是言。來善男子。汝當於此甚深般若。聽受通利。如理思惟。隨此般若所說法門。應正信解。則能修學。則能證得一切智法。則修般若。增益圓滿。便證無上菩提。是人所獲功德。甚多於前。復次乃至若教十方一切有情。皆於無上菩提不退。復以般若說令易解。有人於中。勸一速證無上菩提。令說三乘救度一切。復以般若說令易解。功多於前。何以故。速趣大菩提菩薩。要甚假藉所說法故。於無上覺。求速趣故。觀生死苦。運大悲心。極痛切故。於是帝釋歎述。

善現讚印。隨喜迴向品第三十一。彌勒菩薩白上座善現言。菩薩於一切有情所有功德。隨喜俱行諸福業事。以此福業事與一切有情同共迴向無上菩提。以無所得爲方便故。於彼異生二乘諸福業事。爲最爲勝。爲尊。爲高。爲妙。爲微妙。爲上。爲無上。無等。無等等。以諸異生。但爲令已自在安樂。二乘爲自調伏寂靜涅槃。菩薩普爲一切有情故。善現白言。是菩薩普緣十方佛及聖衆諸事。起隨喜迴向心。爲有如是所緣事。如彼菩薩所取相不。彌勒答言。實無如是所緣事。如彼菩薩所取相。善現言。如是所起隨喜迴向。將非想顛倒。心顛倒。見顛倒。彌勒答言。若菩薩久修行六度。曾供養諸佛。宿植善根。久發大願。爲諸善友所攝受。善學諸法。自相空義。能於所緣事。及一切法。皆不取相。而能發起隨喜迴向無上菩提。如是隨喜迴向。以非二非不二爲方便。非相非無相爲方便。非有所得非無所得爲方便。非染非淨爲方便。非生非滅爲方便。故於所緣事。乃至無上菩提。能不取相。非顛倒攝。若不久修六度等所起隨喜迴向。以取相故。猶顛倒攝。復次不應爲新學菩薩宣說般若。乃至一切法自相空義。以雖有少分信敬愛樂。而聞已尋皆忘失。驚疑恐留。生毀謗故。若不退轉菩薩。或曾供養諸佛等者。應爲廣說般若。乃至一切法自相空義。以能受持。終不廢忘等故。善現言。此所用心。盡滅離變。此所緣事。及諸善根。亦皆盡滅離變。何等是所用心。復以何等爲所緣事。及諸善根。而說隨喜迴向無上菩提。是心於心。理不應有隨喜迴向。以無二心俱時起故。心亦不可隨喜迴向。心自性故。若菩薩修行般若。能如實知色等皆無所有。以隨喜俱行福業事。迴向無上菩提。是名無顛倒隨喜迴向菩提。帝釋問言。新學菩薩。聞如是法。將無驚疑怖畏。云何以所修善根迴向。云何攝受隨喜俱行諸端事業迴向。善現承彌勒加被。

答言。新學菩薩修般若。以無所得爲方便。無相爲方便。攝受般若。乃至修無上菩提亦爾。由此因緣。多信解般若。乃至多信解無上菩提。由此因緣。常爲善友之所攝受。以無量門。巧妙文義。爲其辨說。六度相應之法。令其乃至得入菩薩正性離生。常不遠離般若等法。復次新學菩薩。隨所修習。施等。隨所安住。內空等。皆應以無所得爲方便。無相爲方便。與一切有情同共迴向。無上菩提。復次新學菩薩。應普於十方佛及弟子功德。人天善根。一切合集。稱量現前。發起無等等隨喜心。復以隨喜福業。與一切有情同共迴向。無上菩提。彌勒問善現。云何不墮顛倒心。顛倒見。顛倒善現。答言。於所念佛及弟子衆所有功德。不起佛弟子衆功德之想。於人天等所種善根。不起善根人天等想。於所發起隨喜迴向之心。亦復不起隨喜迴向心想。是菩薩無想顛倒心。顛倒見。顛倒若取其相。是有顛倒。復次正知此心盡滅離變。非能隨喜。正知彼法。其性亦然。非所隨喜。又正了達。能迴向心。法性亦爾。非能迴向。及正了達。所迴向法。其性亦爾。非所迴向。若能依是所說。隨喜迴向。是正非邪。彌勒又問。云何不取相。而能隨喜迴向。善現答言。菩薩所學般若中。有如是善巧方便。雖不取相。而所作成。非離般若。有能發起隨喜迴向。彌勒言。勿作是說。以般若中。佛弟子衆功德善根。皆無所有。不可得故。所作隨喜發心。迴向亦無所有。不可得故。應作是觀。過去佛弟子衆功德善根。性皆已滅。所作隨喜發心。迴向。性皆寂滅。若取相分別。佛所不許。妄想分別。雜毒藥故。大德應說。云何隨喜迴向。善現答言。應作是念。如諸佛以無上智。徧知諸功德善根。有如是類。如是體。如是相。如是法。而可隨喜。我亦如是隨喜。又如諸佛以無上智。徧知應以如是福業。回向菩提。我亦如是回向。則不謗佛。隨佛所教。隨法而說。不雜衆毒。復次如色等不

墮三界。非三世攝。隨喜回向。亦應如是。以彼諸法自性空故。又如實知色等自性不生。則無所有。不可以彼無所有法。隨喜回向無所有故。若以有相爲方便。或有所得爲方便。發生隨喜回向。佛不稱讚。不能圓滿六度等法。於是佛讚印之。諸天亦皆讚印。佛告善現。菩薩欲於三世佛。及三乘功德。人天福業。發起無倒隨喜回向心者。應作是念。如解脫。色等亦如是。乃至一切有情亦如是。一切法性亦如是。一切隨喜回向亦如是。如諸法性無縛無解。無染無淨。無起無盡。無生無滅。無取無捨。我於如是功德善根。現前隨喜回向菩提。如是隨喜。非能隨喜。無所隨喜故。如是迴向。非能迴向。無所迴向故。如是所起隨喜迴向。非轉非息。無生滅故。是隨喜迴向。爲最爲勝。乃至爲無等等。疾證無上菩提。功德無比。

卷第十八

大乘經藏 般若部第三之三

讚般若品第三十二。舍利子向佛廣讚般若。佛以一切善法皆由般若出現答之。帝釋與舍利子問答。廣顯五度如盲。般若如導。佛又廣答舍利子菩薩。不爲引發色等一切法故。應引發般若。以一切法無作無止。無生無滅。無成無壞。無得無捨。無自性故。舍利子問。如是引發般若。與何法合。佛言。不與一切法合。如是般若。於一切法無所得故。帝釋問。豈亦不合一切智智。佛言。亦不合。由此於彼不可得故。如是合得而無合得。於一切法亦如是。合得而無合得。善現白佛。若菩薩起如是想。般若與一切法合。般若

若與一切法不合。是俱棄捨般若。遠離般若。佛言。復有棄捨遠離般若。謂菩薩起如是想。般若無所有。非真實。不堅固。不自在。是俱棄捨遠離般若。善現問。若菩薩信般若。爲不信何法。佛言。信般若。則不信色等一切法。以行般若時。觀一切法不可得故。善現白佛。菩薩般若。名大波羅密多。佛言。緣何意說。善現白佛。菩薩般若。於色等一切法。不作大。不作小。不作集。不作散。不作有量。不作無量。不作廣。不作狹。不作有力。不作無力。緣此意說。名大波羅密多。復次新學菩薩。依般若等六度起如是想。如是般若。於色等一切法。不作大。不作小等。由起此想。非行般若。若依六度起如是想。如是般若。於一切法作大作小等。若不依六度起如是想。如是般若。於一切法不作大。不作小等。若不依六度起如是想。如是般若。於一切法作大作小等。如是一切。皆非行般若。皆非般若等流果故。是名大有所得。非能證無上菩提。故所以者何。有情無生故。無滅故。無自性故。無所有故。空故。無相故。無願故。遠離故。寂靜故。不可得故。不可思議故。無覺知故。勢力不成就故。當知般若亦無生。乃至勢力亦不成就。色等一切法。一一廣說亦如是。故名大波羅密多。 謗般若品第三十三。舍利子問。於此般若能信解者。從何處來生。發菩提幾時。供幾所如來。修六度久如。佛言。從十方如來法會來生。發菩提經無數劫。供無數如來。常修六度。經無數劫。善現白佛。甚深般若。爲有能聞能見者。不。佛言。實無能聞及能見者。亦非所聞。及非所見。何以故。色等一切法。無聞無見。諸法鈍故。善現復問。菩薩積行久如。便能修學甚深般若。佛言。有菩薩從初發心。即能修學六度。有方便善巧故。不謗諸法。於一切法。不增不減。常不遠離六度相應之行。亦常不離諸佛菩薩。有菩薩雖曾見多佛。亦多修習六度。而有所得。爲方便故。不能修學甚深般若。及靜慮。

等。聞說如是甚深般若。便從座去。不敬般若。亦不敬佛。既捨般若。亦捨諸佛。乃至造作增長能感匱正法業。墮三惡道。各無數劫。諸愚癡人。謗毀般若。由四因緣。一者爲諸邪魔所扇惑故。二者於甚深法不信解故。三者不勤精進。堅著五蘊。諸惡知識所攝受故。四者多懷瞋恚。樂行惡法。喜自高舉。輕毀他故。難信解品第三十四。善現白佛。不勤精進。未種善根。具不善根。爲惡知識所攝受者。於佛所說甚深般若。實難信解。佛言。如是如是。善現復問。如是般若。云何甚深難信難解。佛言。色等非縛非解。以色等無所有性。爲色等自性故。色等前後中際。廣說亦爾。又色等清淨。即果清淨。果清淨。即色等清淨。是色等清淨。與果清淨。無二無二分。無別故。斷故。色等清淨。與般若清淨。廣說亦如是。色等清淨。與一切智智清淨。廣說亦如是。我清淨。有情清淨。命者清淨。乃至見者清淨。一一對色等清淨。廣說亦如是。復次我清淨故。色等清淨。色等清淨故。一切智智清淨。何以故。若我清淨。若色等清淨。若一切智智清淨。無二無二分。無別無斷故。有情清淨。乃至見者清淨。一一廣說亦如是。復次貪清淨。即色等清淨。色等清淨。無二無二分。無別無斷故。瞋清淨。癡清淨。廣說亦如是。復次貪清淨故。色等清淨。色等清淨故。一切智智清淨。乃至無二無二分。無別無斷故。瞋癡廣說亦如是。復次色清淨故。受清淨。受清淨故。色清淨。無二無二分。無別無斷故。受清淨故。想清淨。乃至一切菩薩行清淨故。諸佛無上菩提清淨。展轉廣說亦如是。復次般若波羅密多清淨故。色清淨。色清淨故。一切智智清淨。無二無二分。無別無斷故。廣說乃至無上菩提亦如是。靜慮波羅密多清淨。乃至布施清淨。一一廣說亦如是。復次內空清淨故。色等清淨。色等清淨故。一切智智清淨。無二無二分。無別無斷故。

外空清淨。乃至無性自性空清淨。一一廣說亦如是。真如清淨。乃至不思議界清淨。一一廣說亦如是。苦聖諦清淨。乃至道聖諦清淨。一一廣說亦如是。四靜慮清淨。乃至十徧處清淨。一一廣說亦如是。四念住清淨。乃至八聖道支清淨。一一廣說亦如是。空無相無願三解脫門清淨。一一廣說亦如是。菩薩十地清淨。五眼清淨。六神通清淨。佛十力清淨。乃至十八不共法清淨。無忘失法清淨。恆住捨性清淨。一切智清淨。道相智清淨。一切相智清淨。一切陀羅尼門清淨。一切三摩地門清淨。預流果清淨。一來果清淨。不還果清淨。阿羅漢果清淨。獨覺菩提清淨。一切菩薩摩訶薩行清淨。諸佛無上正等菩提清淨。一一廣說亦如是。復次一切智智清淨故。色等清淨。色等清淨故。般若波羅密多清淨。無二無二分。無別無斷故。以對靜慮。乃至布施波羅密多。對內空等。乃至諸佛無上菩提。一一廣說亦如是。復次有爲清淨故。無爲清淨。無爲清淨故。有爲清淨。無二無二分。無別無斷故。過去未來現在。互對亦爾。此品共一百零三卷。具明一切諸法互攝互融。讚清淨品第三十五。舍利子白佛言。如是清淨。最爲甚深。佛言。如是。畢竟淨故。廣說色等。一一畢竟淨故。復言。極爲明了。不轉不續。本無雜染。本性光潔。無得無觀。無生無顯。一一廣說亦如是。又如是清淨。不生欲界。不生色界。不生無色界。三界自性。不可得故。又如是清淨。本性無知。以一切法本性鈍故。又色等性無知。即是清淨。畢竟淨故。自相空故。又般若於一切智智無益無損。畢竟淨故。法界常住故。清淨般若於一切法無所執受。畢竟淨故。法界不動故。又我清淨故。色等一切法清淨。畢竟淨故。我無所有故。色等一切法無所有。是畢竟淨。又我無邊故。色等無邊。以畢竟空無際空故。是畢竟淨。菩薩修行般若。不住此岸。彼岸中流。即畢竟淨。以三世法性平等。

故。成道相智。著不著相品第三十六。善現白佛。菩薩若無善巧方便。於此般若起般若想。以有所得爲方便故。棄捨遠離甚深般若。佛言。如是。彼等著著名著相。是故於此棄捨遠離。謂於此般若取名取相。耽著般若。或恃此般若而生憍慢。不能證得實相般若。若有善巧方便。以無所得爲方便。於此般若。不取名相。不起耽著。不生憍慢。便能證得實相般若。舍利子問。云何爲著及不著相。善現答言。若無方便善巧。於色等謂空。起空想著。又或於色等謂色等。起色等想著。又從初發心。於六度二十空等。起行想著。名爲著相。若有方便善巧。於色等不起空空想。乃至不作是念。我能行施。惠彼受者。此所施物。及惠施性等。以無所得爲方便。無一切分別妄想執著。由善通達內空。乃至無性自性空故。是名無執著相。帝釋問。云何著相。善現答言。起六度二十空等想著。乃至起於佛所種諸善根想著。起和合迴向無上菩提想著。是名修行般若時所有著相。由著想故。不能修行無著般若。迴向無上菩提。何以故。非色等本性可能迴向故。復次應以如實相意。示現教導勸勵讚喜有情。謂行六度二十空等。不應分別我能惠捨。乃至我能住內空等。若能如是。於自無損。亦不損他。便能遠離一切想著。佛讚印之。更說微細著相。謂於佛及弟子有情善法。不應取相而憶念故。諸取相者。皆虛妄故。如是般若最爲甚深。以一切法本性離故。皆應禮敬功德多故。然無造無作。無能覺者。以一切法一性非二。諸法一性。即是無性。諸法無性。即是一性。若如實知諸所有法一性無性。無造無作。則能遠離一切執著。如是般若難可覺了。無能見聞覺知者。離證相故。不可思議。不可以心知。離心相故。不可以色等知。離色等相故。無所造作。色等不可得故。作者不可得。若不行色等。不行色等若常若無常。乃至若淨若不淨。是行般若。何以故。

色性等尚無所有。况有色等。若常若無常等。復次不行色等。圓滿及不圓滿。是行般若。何以故。若色等圓滿及不圓滿。俱不名色等。亦不如是行。是行般若。復次不行色等著不著相。是行般若。如是行般若時。於色等不起著不著想。如是般若甚深法性。若說不說。俱無增減。如彼虛空。亦如幻土。若讚若毀。不增不減。善現白言。菩薩修行般若。甚爲難事。謂若修不修。無增無減。亦無向背。而勤修學。如是般若。乃至菩提。會無退轉。何以故。如修虛空。都無所有。如虛空中。無色等可施設。所修般若。亦復如是。是菩薩能擐大功德鎧。我等皆應敬禮。會中有一苾芻。心念領解。佛讚印之。帝釋問善現言。菩薩當如何學。善現答言。當如虛空學。帝釋白佛。若人受持般若。我當云何守護。善現謂言。汝見有法可守護不。帝釋言。不也。善現言。若人住如所說甚深般若。即爲守護。一切求便欲害。終不能得。若欲守護。無異欲護虛空。帝釋問言。云何菩薩修行般若。雖知諸法如幻。夢響。像。燄。光影。變化事。尋香城。而不執是幻等。亦不執由幻等。亦不執屬幻等。亦不執依幻等。善現答言。若菩薩不執是色等。由色等。屬色等。依色等。是菩薩雖知諸法如幻等。而不執是幻等。乃至依幻等。說般若相品第三十七。諸天由佛神力於十方面。各見千佛。宣說般若。請說上首。皆名善現。問難上首。皆名帝釋。佛告善現。彌勒等當來諸佛。亦於此處宣說般若。善現白佛。彌勒得菩提時。以何諸行相狀宣說。佛言。當以色等非常非無常。非樂非苦。非我非無我。非淨非不淨。非寂靜非不寂靜。非遠離非不遠離。非縛非解。非有非空。非過去非未來。非現在。宣說如是甚深般若。善現復問。彌勒得菩提時。證何等法。復說何法。佛言。證色等畢竟淨法。說色等畢竟淨法。善現復問。如是般若。云何清淨。佛言。色等清淨故。無生無滅。無染無淨故。復次色等無染汙故。

不可取故。復次色等唯假說故。如依虛空。二事響現。色等亦復如是。復次色等不可說故。無可說事故。復次色等不可得故。無可得事故。復次色等不生不滅不染不淨故。畢竟空故。善現白佛。於六齋日。讀說般若。諸天來聽。獲勝功德。佛言。如是般若。名大寶藏。爾時諸天散華慶慰。唱言。今見第二轉妙法輪。佛告善現。如是法輪。非第一轉。非第二轉。於一切法不爲轉故。不爲還故。出現於世。以無性自性空故。波羅密多品第三十八。善現與佛酬唱廣歎。難聞功德品第三十九。帝釋心念難聞。舍利子向佛分別信解不信解。由於夙因。帝釋自言敬禮般若。卽爲敬禮一切智智。佛言。一切智智皆從般若而得。生故。菩薩應學般若。帝釋問佛。菩薩修行般若。云何住色等。佛言。若於色等不住不習。是爲住習色等。以所住習色等不可得故。復次若於色等非住非不習。非習非不習。是爲住習色等。以觀色等前後中際不可得故。舍利子言。般若最爲甚深。佛言。色等真如甚深故。舍利子言。般若難可測量。佛言。色等真如難測量故。舍利子言。般若最爲無量。佛言。色等真如無量故。舍利子言。云何菩薩行般若。佛言。不行色等甚深性。是行般若。以色等甚深性。則非色等故。不行色等難測量性。不行色等無量性。一一廣說亦如是。舍利子言。如是般若。不應在新學前說。忽彼聞此。不能信解。但應在不退轉菩薩前說。帝釋問。頗有未受記菩薩。聞說不驚恐怖者不。舍利子言。有。是菩薩不久當受大菩提記。舍利子向佛說。王都前相譬。見海近相譬。樹枝滋潤譬。懷孕身重譬。佛讚印之。善現歎佛甚奇。希有。善能付囑。菩薩攝受菩薩。佛爲說菩薩四攝。善現又問。云何修行般若。速得圓滿。佛言。不見色等若增若減。又不見是法非法。有漏無漏。有爲無爲。過去未來現在。善不善無記。欲色無色。乃至不見六度二十空等。是

菩薩修行般若。速得圓滿。以一切法無性相故。無作用故。不可轉故。虛妄誑詐。性不堅實。不自在故。無覺受故。離我有情。廣說乃至知見者故。善現白佛。如來所說不可思議。佛言。如是色等不可思議故。若菩薩於色等不起不思議想。修行般若。速得圓滿。若菩薩不思惟分別色等。色等相。色等性。以色等不可思議故。齊此應知已久。修六度。久種善根。供養多佛。事多善友。又色等甚深故。般若極爲甚深。如是般若。是大寶聚。能與有情一切功德寶故。又色等清淨故。般若。是清淨聚。乃至應疾書寫等。以佛神力。令彼惡魔不能留難。佛滅度後。東南方漸當興盛。乃至後五百歲。於東北方當廣流布。魔事品第四十。佛爲善現具說修諸行時留難魔事。佛母品第四十一。佛言。善現。如母得病。子求醫療。佛眼觀視。護念甚深般若。亦復如是。般若能示世間諸法實相。如來皆依般若。普能證知有情心行差別。乃至依於般若。證一切法真如。究竟得無上覺。故說般若能生諸佛。是諸佛母。雖能生諸佛。能示世間相。而無所生。亦無所示。不見色等故。名示色等相。由不緣色等而生於識。是爲不見色等故。名示色等相。復次般若能爲諸佛顯色等世間空。能示諸佛色等世間空。能示諸佛色等世間不可思議相。遠離相。寂靜相。畢竟空相。無性空相。自性空相。無性自性空相。純空相。純無相。無願相。由是能示諸佛世間實相。名諸佛母。謂令不起此世間想。他世間想。以實無法可起此世他世想故。不思議等品第四十二。善現白佛。甚深般若。爲大事故。而現於世。爲不可思議事。爲不可稱量事。爲無數量事。爲無等等事。而現於世。佛言。如是如是。善現。復言。爲但佛性。如來性。自然法性。一切智智性。不可思議。不可稱量。無數量。無等等。爲更有餘法耶。佛言。色等亦不可思議。乃至無等等。復次色等不可施設。不可思議。乃至無等。

等性。善現白佛。何因緣故。佛言。色等不可施設。思議稱量。數量平等。不平等性故。善現又問。何因緣故。佛言。色等自性不可思議。不可稱量。無數量無等等。無自性故。於意云何。色等不可思議。乃至無等等。無自性中。色等可得不。善現言不也。佛言。如是。由此一切法皆不可思議。乃至無等等。以一切法皆不可思議。乃至無等等故。一切如來所有佛法。如來法自然法。一切智智法。亦不可思議。乃至無等等。思議滅故。稱量滅故。數量滅故。等等滅故。但有增語。如虛空故。於是四衆得益。菩薩得記。辦事品第四十三。佛答善現。般若能辦六度二十空等。如王以諸國事付囑大臣。如來亦爾。以三乘法付囑般若。般若。若不取著色等。出現世間。能成辦事。善現白言。云何般若。出現世間。不取著色等。佛言。汝頗見色等。可取可著不。頗見有法。能取能著不。頗見由是法。有取有著不。善現一一答言。不也。佛言。善哉。如是。是故菩薩亦不應取著色等。諸天子白佛。假使大千有情。皆成四果獨覺。不如有人。一日於此甚深般若。所成就忍。勝彼智斷無量無邊。以諸四果獨覺。所有智斷。皆是菩薩。忍少分故。佛言。如是。衆喻品第四十四。善現問言。若菩薩信解般若。復能修習。從何處沒。來生此間。佛言。從人趣來。亦有從他方佛處來。亦有從觀史多天來。若於先世。雖得聞般若等。而不請問甚深義趣。今聞說是般若。其心迷悶。猶豫怯弱。或生異解。若於先世。雖曾請問甚深義趣。而不能經一日二日三四五日。隨順修行。今聞說是般若。設經一日。乃至五日。其心堅固。若離所聞。尋便退失。復次。若不以般若等。攝他有情。若不隨順修行。深般若等。或墮聲聞及獨覺地。如海船破。不取木器屍等。以爲依附。如度曠野。不攝受資糧器具。如執坏瓶。如船未具裝治。如老病無人扶。若能攝受般若。方便善巧者。反是。善現白佛。云何不攝受般若。亦不

攝受方便善巧。退墮聲聞及獨覺地。佛言。從初發心。住我所執。修行施等。所以者何。施等波羅密中。無如是分別。何以故。遠離此彼岸。是施等波羅密多相故。此人不知此彼岸相故。不能攝受施等一切善法。由是或墮二地。不證無上菩提。又修施等時。執爲我所而生憍慢。由不攝受甚深般若。亦不攝受方便善巧。退墮二地。若從初發心。離我所執。修行施等。了知此岸彼岸相故。便能攝受施等一切善法。不墮二地。疾證菩提。眞善友品第四十五。佛答善現。初業菩薩。應先親近眞善知識。謂說修施等時。普施有情。同共迴向。無上菩提。不應以色等而取無上菩提。若不取色等。使得無上菩提。勿於色等而生貪愛。以色等非可貪愛。一切法自性空故。善現白佛。菩薩能爲難事。於一切法自性空中。希求菩提。欲證菩提。佛言。如是。雖知一切法如幻夢響像影。燄化尋香城。自性皆空。而爲世間得義利故。得利益故。得安樂故。欲救拔故。作歸依故。作舍宅故。作究竟道故。作洲渚故。作光明故。作燄炬故。作導師故。作將帥故。作所趣故。發趣菩提。善現白佛。云何爲世間得義利。乃至作所趣。佛一一詳答。是中作舍宅者。說一切法皆不和合。色等不和合。即色等不相屬。不相屬即無生。無生即無滅。無滅即不和合。作究竟道者。色等究竟。即非色等。如此諸法究竟相。一切法相亦如是。善現白佛。若一切法相如究竟相者。云何菩薩於一切法應現等覺。佛言。如是色等究竟中。無如是分別。謂此是色等。是爲菩薩難事。謂雖觀一切法皆寂滅相。而心不沈沒。作是念言。我於是法現等覺已。證得菩提。爲諸有情宣示寂滅微妙之法。作洲渚者。色等前後際斷。即是寂滅微妙如實。作將帥者。開示色等無生無滅。無染無淨。作所趣者。開示色等以虛空爲所趣。開示色等非趣。非不趣。以色等性空。空中無趣。無不趣故。所以者何。一切

法皆以空爲趣。彼於是趣不可超越。以空中趣非趣不可得故。無相爲趣。無願爲趣。無起無作爲趣。乃至尋香城爲趣。無量無邊等爲趣。我有情等爲趣。常樂我淨爲趣。無常苦無我不淨爲趣。貪事瞋事癡事。見所作事。眞如等。色等爲趣。一一廣說亦如是。趣智品第四十六。善現白佛。誰於甚深般若。能生信解。佛言。久發意。供多佛。善根熟。善友攝。乃能信解。善現復問。生信解者。何性。何相。何狀。何貌。佛言。調伏貪瞋癡性爲性。遠離貪瞋癡相狀貌爲相狀貌。又調伏貪無貪。瞋無瞋。癡無癡性爲性。遠離貪無貪。等相狀貌爲相狀貌。又問。信解般若。當何所趣。佛言。當趣一切智智。能與一切有情爲所歸趣。又問。菩薩能爲難事。擐堅固甲。度脫有情。令證涅槃。而都不見有情施設。佛言。如是。復次。菩薩所擐甲冑。不屬色等。以色等畢竟無所有。非菩薩。非甲冑故。善現白佛。是菩薩無容當墮二地。所以者何。菩薩非爲度脫少分有情。非爲求少分智故。普爲救拔一切有情。但爲求得一切智智。而擐甲冑。佛言。如是。善現白佛。般若甚深。無能修者。無所修法。亦無修處。亦無由此而得修習。所以者何。非此甚深義中。而有少分實法可得。若修虛空。是修般若。若修一切法。是修般若。若修不實法。若修無所有。若修無攝受。若修除遣。是修般若。所謂修除遣色等。佛印述之。復次於般若等。不生執著。驗知是不退菩薩。諸不退轉菩薩。不觀他語。及他教勅。以爲眞要。非但信他。而有所作。不爲貪瞋癡慢餘雜染心之所牽引。相續隨順。趣向臨入一切智智。善現白佛。是菩薩行色等。不。佛言。不行色等。是菩薩隨順趣向臨入一切智智。無能作。無能壞。無所從來。無所去處。亦無所住。無方無域。無數無量。無往無來。亦無能證。不可以色等證。何以故。色等即是一切智智。所以者何。若色等眞如。若一切智智眞如。若一切法眞如。皆一眞如。無二無

別。真如品第四十七。諸天散華禮讚。言一切佛般若經中。皆作是說。色等即是一切智智。一切智智即是色等。若色等真如。若一切智智真如。若一切法真如。皆一真如。無二無別。亦無窮盡。佛印述云。我觀此義。心恆趣寂。不樂說法。謂深般若。即佛所證。無上菩提。無能證。非所證。無證處。無證時。此法深妙。不二現行。非諸世間所能比度。虛空等甚深故。此法甚深。我等甚深故。色等甚深故。此法甚深。諸天白佛。此深妙法。不爲攝取色等故說。不爲棄捨色等故說。世間有情。多行攝取。起我我所執。謂色是我。是我所。乃至一切相智是我。是我所。佛印述云。若菩薩爲攝取色等故行。爲棄捨色等故行。不能修六度等。不能證二十空等。一一廣說。善現白佛。此深妙法。隨順般若。乃至三智等一切法。於色等都無有礙。以無礙爲相。虛空等平等性故。色等無生無滅故。色等足迹不可得故。諸天白佛。善現隨如來生。佛真弟子。善現謂諸天言。一切法真如平等故。如來真如平等。如來真如平等。一切法真如平等。同一真如平等。無二無別。善現於此真如。能深信解。故說善現隨如來生。說是真如相時。大千震動。天散香華。善現復言。善現不由色等故。隨如來生。不由色等真如故。隨如來生。不離色等故。隨如來生。不離色等真如故。隨如來生。是一切法都無所有。諸隨生者。若所隨生。由此隨生。及隨生處。皆不可得。舍利子白佛。此中色等不可得。色等真如亦不可得。何以故。色等尚不可得。况有色等真如可得。佛印述之。六萬菩薩。成阿羅漢。佛言。此諸菩薩。雖有菩薩道空。無相。無願。解脫門。而遠離般若。及方便善巧力。故於實際作證。取聲聞果。舍利子問。何因緣故。有菩薩修三脫門。不攝受般若。無方便善巧力。便證實際。取二乘果。有菩薩修三脫門。攝受般若。有方便善巧力。不證實際。趣無上覺。佛言。若遠離一切智智。心修

三脫門。是不攝受般若。無方便善巧力。若不離一切智智心。修三脫門。是攝受般若。有方便善巧力。次說大鳥無翅喻。以喻菩薩依聲執相。若不取相。直趣無上菩提。以離相心。修行施等。安住二十空等。舍利子言。是菩薩從初發心。乃至究竟。都不見有少法可得。謂若能證。若所證。若證處。若證時。若由此證。都不可得。若色等乃至一切相智。都不可得。有人遠離般若。方便善巧。而求菩提。當知彼於所求。或得不得。於所修行六度等。於所安住二十空等。皆取相故。若欲證無上菩提。決定不應遠離般若。方便善巧。用無所得為方便。以無相俱行心。應修六度等。應住二十空等。諸天白佛。無上菩提。極難信解。甚難證得。所以者何。菩薩於一切法。自相共相。皆應證知。方得無上菩提。而所知法相。都無所有。皆不可得。佛言。我亦現覺一切法相。證得無上菩提。而都不得勝義法相。可說名為此是能證。此是所證。此是證處。此是證時。及可說為由此而證。以一切法畢竟淨故。有為無為畢竟空故。善現白佛。如我思惟。佛所說義。無上菩提。極易信解。甚易證得。若能信解。無法能證。無法所證。無有證處。無有證時。亦無由此而有所證。則能信解。無上菩提。若有證知。無法能證等。則能證得。無上菩提。以一切法畢竟皆空。若增若減。都不可得。不應於中。謂難信解。及難證得。所以者何。色等色。等自性空。若於如是自性空。深生信解。無倒證知。便得無上菩提。舍利子言。由是因緣。無上菩提。極難信解。證得。譬如虛空。不作是念。我當信解。速證菩提。菩薩亦應如是。要信解一切法與虛空等。及能證知。乃得無上菩提。若信解一切法。皆與虛空等。便於菩提。易生信解。易證得者。則不應有恆沙菩薩。擐大功德鎧。而有退屈。善現問言。色等與菩提。有退屈。不離色等。有法於菩提。有退屈。不離色等。真如於菩提。有退屈。不離色等。真如有法於菩提。

有退屈不。舍利子一一答言。不也。善現語言。若一切法。諦故住故。都無所有。皆不可得。說何等法。可於善提而有退屈。舍利子言。若爾。何故佛說三種住菩薩乘有情。但應說一。又應無三乘。但有一乘。滿慈子語舍利子。應問許有一菩薩乘。不然後可難應無三乘。建立差別。舍利子以問善現。善現語言。一切法真如中。爲有三種住菩薩乘有情差別相不。爲有三乘菩薩異不。爲實有一定無退屈菩薩乘不。爲實有一正等覺乘不。有一有二有三相不。爲有一法或一菩薩而可得不。舍利子一一答言。不也。善現語言。若一切法。諦故住故。都無所有。皆不可得。云何作是念言。如是菩薩。於無上菩提。定有退屈。定無退屈。及不決定。乃至如是爲三。如是爲一。若菩薩聞說如是諸法真如不可得相。其心不驚恐怖。疑悔退沒。疾得無上菩提。佛讚印之。

虹口法院移交
陳公博系內圖書

上海图书馆藏书



A541 212 0003 4398B

上海圖書館



000000